


DS
735
A2Y86
1771a
V.13



御批歷代通鑑輯覽卷之二十五

後漢

孝桓皇帝

庚子延熹三年春正月詔求故太尉李固後。

初固自知不免遣三子歸鄉里幼子燮年十三姊文姬

爲同郡趙伯英妻密與二兄基茲

基字憲公茲字季公並爲長吏聞固策免

並棄官亡歸巴漢謀豫匿燮託言還京師人不之覺有頃難作

州郡收基茲于郾城皆死獄中文姬乃告父門生王成

曰君執義先公有古人之節今委君以六尺孤李氏存

滅其在君矣成乃將燮乘江東下入徐州界燮姓名爲

酒家傭而成賣卜于市各爲異人陰相往來燮從受業

專精經學。積十餘年。梁冀既誅。大赦天下。求固後嗣。燮乃還鄉里。追行喪服。姊弟相見。悲感旁人。姊戒燮曰。吾家血食將絕。弟幸而得濟。宜杜絕衆人。勿妄往來。慎無一言加于梁氏。加梁氏。則連主上。禍重至矣。燮從其誨。後成卒。燮以禮葬之。每四節。爲設上賓之位而祠焉。燮後

爲議郎。擢河南尹。卒於位。

單超卒。

劉友益書法。超宦者。書卒。病漢也。故削其官。

賜超東園秘器。棺中玉具。及葬。發五營騎士。將作大匠起冢塋。其後四侯轉橫。天下爲之語曰。左回天。具獨坐。

徐卧虎。唐兩墮。

章懷註。持兩端。而任意爲兩墮。

皆競起第宅。以華侈相

尚。兄弟姻戚。宰州臨郡。宰較

集覽。宰。罪。較。與。權。通。專。也。言已自專之。他人取者輒

罪也。百姓與盜無異。虐徧天下。民不堪命。故多為盜賊焉。

左悺兄為河東太守。皮氏長趙岐恥之。即日棄官西歸。唐衡兄炫為京兆尹。收岐家屬宗親。陷以重法。盡殺之。岐逃難四方。自匿姓名。賣餅北海市中。孫嵩見而異之。載與俱歸。藏於複壁中。及諸唐死。遇赦乃敢出。趙岐字邠卿。京兆長陵人。初名嘉。字臺卿。後避難。故改名字。孫嵩字賓石。北海安邱人。

閏月。西羌寇張掖。段熲破降之。

先是。燒當等八種羌叛。寇隴右。護羌校尉段熲擊破之。

至是。餘眾復與燒何大豪寇張掖。晨薄熲軍。熲下馬大

戰。至日中。刀折矢盡。虜亦引退。熲追之。且鬪且行。晝夜

相攻。割肉食雪。四十餘日。遂至積石山。注見前。出塞二千

餘里。斬燒何大帥。降其餘眾而還。是年冬。羌圍允街。熲又破之。允街。漢縣。

故城在今甘肅涼州府平番縣。允。音鉛。

夏五月。漢中山崩。

泰山賊殺都尉。以皇甫規爲太守。討平之。

時泰山賊勞丙等復叛。其黨叔孫無忌攻殺都尉侯章。

遣中郎將宗資

字叔都。南陽安衆人。

討之。未服。規到官。廣設方畧。

寇賊悉平。

辛丑四年春二月。武庫火。

夏四月。以劉矩

字叔方。沛國蕭人。

爲太尉。

黃壤免。以矩代。

初。矩爲雍邱令。以禮化民。民皆感悟。自革。有訟者。常引之於前。提耳訓告。以爲忿恚可忍。縣官不可入。使歸更思。訟者感之。輒各罷去。

五月。有星孛於心。

六月地震岱山。即泰山。東泰安府泰安縣。故城在今山。尤來山。即

碑山在泰安府東南裂。

秋七月。減百官俸。集覽。貢本作貸。音待。從人求物也。王侯半租。賣關內

侯以下官。

九月。以劉寵。字榮祖。東萊牟平人。為司空。

寵嘗為會稽太守。除煩苛。禁非法。郡中大治。被徵。有五

六老叟。人齎百錢送寵。曰。山谷鄙生。未嘗識郡朝。郡廳事也。

他守時。吏發求民間。至夜不絕。民不得安。自明府下車

以來。狗不夜吠。民不見吏。年老遭值聖明。今聞當見棄

去。故自扶奉送。寵曰。吾政何能及公言邪。勤苦父老。為

人選一大錢受之。

冬。諸羌復叛。徵段熲下獄。遣中郎將皇甫規擊破降之。

先是。零吾羌與先零諸種寇三輔。至是。復寇并涼。段熲

將湟中義從討之。涼州刺史郭閼貪其功。稽固熲軍。

使不得進。義從役久叛歸。閼歸罪於熲。熲坐徵下獄。輸

作左校。

後西州吏民守關爲熲訟冤。會羌益熾。乃復以熲爲校尉。羌遂陸梁。寇患轉盛。皇甫規上疏曰。

臣生長郿岐。年五十九。昔爲郡吏。再更叛羌。豫籌其事。有悞中之言。願乞冗官。備單車一介之使。勞來三輔。宣國威澤。以所習地形兵執。佐助諸軍。且臣觀郡將已數十年矣。力求猛敵。不如清平。勤明孫吳。未若奉法前變。

未遠。臣誠戚之。是以越職盡其區區。

詔以皇甫規爲中郎將。監關西兵。擊

羌破之。

明年春。沈氏羌寇張掖。酒泉。規發先零諸種羌共討隴右。而道路隔絕。軍中大疫。死者十三四。

規親入庵廬。巡視將士。三軍感悅。東羌遂降。涼州復通。規條奏。牧守貪暴殺降。老不任職。倚恃權貴者。數人。或

免或誅。羌人聞之。翕然反善。十萬餘口。

皆詣規降。庵廬。庵草屋。廬。寄舍也。

壬寅五年夏五月京師地震。

冬十月以馮緄為車騎將軍討諸蠻降之。

時長沙零陵

漢縣今為湖南永州府治。

賊起攻桂陽

後漢郡治郴今湖南郴州是。

等郡遣御史中丞盛修討之不克艾縣

漢縣故城在今江西南昌府寧

州賊遂焚燒長沙寇益陽

漢縣今屬湖南長沙府。

零陵蠻亦叛至

是武陵蠻寇江陵南郡太守李肅棄城走。

主簿胡爽扣馬諫曰蠻夷

見郡無備故敢乘間而進明府為國大臣連城千里奈何委符守之重而為逃遁之人乎肅殺爽而走徵肅棄

市復爽門閭拜家一人為郎。

乃以太常馮緄討之先是所遣將帥宦

官多陷以折耗軍資往往抵罪緄請中常侍一人監軍

財費尚書朱穆奏緄以財自嫌失大臣節有詔勿劾緄

請前武陵太守應奉

字世叔汝南南頓人。

與俱十一月至長沙賊

悉降。進擊武陵蠻夷，斬四千級，受降十餘萬。荊州平定。緄推功于奉，薦以爲司隸校尉。而緄上書乞骸骨，不許。
監軍使者張敞承宦官意，奏緄將婢二人，戎服自隨，又輒于江陵刻石紀功，請下吏案。尚書令黃儁議以爲無罪。明年，長沙賊復起，攻桂陽太守陳奉，破降之。緄遂坐免。

下皇甫規獄論輸左校

皇甫規持節還督鄉里，旣無私惠，而多所舉奏。又惡絕宦官，不與交通。于是遂共誣規貨賂羣羌，令其文降。璽書詣讓。規上疏自訟。
畧曰：臣前奏李翕等五臣支黨半國，交構豪門，競流謗議。云臣私報諸羌，謝以錢貨。若臣以私財，則家無擔石。如物出于官，則文簿易考。就臣愚惑，信如言者，前世尙遺有奴以宮姬鎮烏孫以公主。今臣但費千萬以懷叛羌，何罪之有。帝乃徵規還，拜議郎，論功當封。而徐璜、左悺欲從規求貨，規終不答。璜等陷以前

事下吏官屬欲賦斂請謝規誓不聽遂論輸左校諸公及太學生張鳳等三百餘人詣闕訟之會赦歸家

癸卯

六年冬十月上校獵廣成

苑名在河南汝州西

遂至上林苑

陳蕃上疏諫曰安平之時遊畋宜有節況今有三空之厄哉田野空朝廷空倉庫空加以兵戎未戢四方離散是陛下焦心毀顏坐以待旦之時也豈宜揚旗耀武騁心輿馬之觀乎且時當種麥豈可勞民書奏不省

十一月以周景

字仲饗舒人榮之孫

爲司空

劉寵免景代

時宦官方熾景與太尉楊秉上言內外吏職多非其人舊典中臣子弟不得居位請皆斥罷帝從之于是條奏牧守以下五十餘人或死或免天下肅然

以張奐爲度遼將軍。皇甫規爲使匈奴中郎將。

初。奐坐梁冀故吏。免官禁錮。規薦之。前後七上。乃拜武威太守。至是。規復徵爲度遼將軍。到營數月。上書薦奐才畧兼優。宜正元帥。自乞冗官。以爲奐副。從之。

尙書朱穆卒。

朱穆疾宦官恣橫。上疏曰。案漢故事。中常侍參選士人。建武以後。乃悉用宦者。自延平以來。浸益貴盛。權傾海內。寵貴無極。放濫彌溢。漁食百姓。臣以爲可悉罷省。更選海內清淳之士。明達國體者。以補其處。不納。後復口陳曰。臣聞漢家舊典。置侍中。中常侍。各一人。省尙書事。黃門侍郎一人。傳發書奏。皆用姓族。自和熹太后。以女

主稱制。不接公卿。乃以閹人爲常侍。小黃門通命兩宮。自此以來。權傾人主。窮困天下。宜皆罷遣。博選耆儒宿德。與參政事。帝怒不應。穆伏不肯起。左右傳出良久。乃趨而去。自此中官數因事稱詔。詆毀之。穆素剛。憤懣發疽卒。尹仕數十年。蔬食布衣。家無餘財。公卿共表穆立節。忠清。追贈益州太守。蔡邕與門人諡爲文忠先生。皆陳留圉人。

甲辰七年春二月。邳鄉章懷注。卽周承休侯國。承休注見前。侯黃瓊卒。諡曰忠。

瓊卒。四方名士會葬者六七千人。初。瓊教授于家。徐穉從之。諮訪大義。及瓊貴。穉絕不復交。至是往弔。進爵哀哭而去。穉常于家。豫炙一鷄。以絮漬酒中。暴乾。以裹鷄。徑到冢外。以水漬綿。使有酒氣。用斗米飯。白茅爲藉。以鷄置前。醢酒畢。留謁去。不見。喪主。人莫知者。諸名士曰。必徐穉子也。

黃曼郭泰雖號爲賢者然
相尙聲氣嗽虛名者因而
爭附卽欲不及於禍能乎

于是選能言者茅容

字季偉。陳留人。

輕騎追及。爲沽酒市肉。穉

爲飲食。容問國家事。不答。更問稼穡。乃答之。容還。以語

諸人。郭泰曰。孺子爲人。清潔高廉。饑不可得食。寒不可

得衣。而爲季偉飲食。此爲已知季偉之賢故也。所以不

答國事者。是其智可及。其愚不可及也。泰博學。善談論。

初遊洛陽。符融

字偉明。陳留浚儀人。少師事李膺。不仕終。

一見嗟異。因以介

于河南尹李膺。膺與爲友。後歸鄉里。諸儒送之河上。車

數千兩。膺惟與泰同舟而濟。衆賓望之。以爲神仙焉。或

問范滂曰。郭林宗何如人。滂曰。隱不違親。貞不絕俗。天

子不得臣。諸侯不得友。我不知其他。泰舉有道。不就。或

勸之仕。泰曰。吾夜觀乾象。晝察人事。天之所廢。不可支

也。吾將優游卒歲而已。然猶周旋京師。徐穉以書戒之。
曰。夫大木將顛。非一繩所維。何爲栖栖不遑寧處。泰感
悟曰。敬拜斯言。以爲師表。泰性明知人。好獎訓士類。因
以成名者甚衆。茅容年四十餘。耕于野。與等輩避雨樹
下。衆皆夷踞。容獨危坐。泰見而異之。因
請寓宿。旦日容殺鷄食母。餘半度置。自以草蔬與客同
飯。泰曰。郭林宗猶減三牲之膳。以供賓客。而卿如此。乃
吾友也。勸令從學。鉅鹿孟敏。字叔達。荷甌墮地。不顧而
去。泰見問之。曰。甌已破矣。視之何益。泰知其有分決。亦
勸令游學。遂知名當世。陳留仇香。字季智。至行純嘿。年
四十。爲蒲亭長。勸人生業。令子弟就學。賑恤窮寡。期年
大化。民有陳元。獨與母居。母詣香告元不孝。香到元家。
爲陳人倫孝行。譬以禍福之言。元感悟。卒爲孝子。考城
令王魚。署香爲主簿。謂之曰。聞在蒲亭。陳元不罰而化。
得無少鷹鷂之志耶。香曰。以爲鷹鷂。不若鸞鳳。故不爲
也。魚曰。枳棘非鸞鳳所集。百里非大賢之路。乃使香入
太學。符融勸以交結。香曰。天子設太學。豈但使人游談
其中耶。泰就房謁之。嗟歎起拜牀下。曰。君。泰之師。非泰
之友也。陳國童子魏盼。請於泰曰。經師易遇。人師難逢。

願給灑掃。泰許而善之。自餘或出于屠沽卒伍。因泰獎進。竝以成名。

三月。隕石于鄠。

漢縣。今屬陝西西安府。

夏五月。雨雹。

秋九月。荊州刺史度尚。

度以官為氏。尚字博平。山陽湖陵人。

擊桂陽艾縣賊。

平之。

先是。陳奉破桂陽賊李研。而餘黨卜陽。潘鴻等。逃入深山。

至是。合艾縣賊復叛。尚募諸蠻夷進擊之。破其三匪。

多獲珍寶。而士卒驕富。莫有鬪志。尚乃宣言。兵少未可。

進。當須諸郡所發悉至。乃并力攻之。申令軍中。恣聽射。

獵。兵喜皆出。尚乃密使人焚其營。獵者還營。莫不涕泣。

尚人人慰勞。深自咎責。因曰。陽等財寶足富數世。諸卿。

度尚焚營。雖以術御。士出于無可如何。然較項羽窘迫沉船。頗為勝之。

但不并力耳。所亡少少。何足介意。眾感憤踊。尙敕令秣馬蓐食。明旦徑赴賊屯。陽等自以深固。不復設備。吏士乘銳遂破平之。尙出兵三年。羣寇悉平。封右鄉侯。

冬十月。帝如章陵。十二月。還宮。

時公卿貴戚車騎萬計。徵求費役。不可勝極。護駕從事

胡騰

字子升。桂陽人。

言。天子無外。乘輿所幸。卽爲京師。臣請以

荊州刺史。比司隸校尉。臣自同都官從事。帝從之。自是

肅然。莫敢干擾。詔書多除人爲郎。太尉楊秉上疏曰。太

微積星。名爲郎位。

太微宮五帝座後。聚二十五星。是爲郎位。

入奉宿衛。出牧

百姓。宜割不忍之恩。以斷求欲之路。于是乃止。

乙巳

八年春正月。遣中常侍左悺之苦縣。

本楚邑。漢置縣。唐曰真源。故城在今

河南歸德府鹿邑縣

祠老子

太康地記。苦縣有賴鄉祠。老子所生地也。賴一作厲。

丙申晦日食。

中常侍侯覽免。左悺自殺。貶具瑗爲都鄉侯。

侯覽弟參爲益州刺史。殘暴貪婪。累賊億計。楊秉奏檻車徵參。于道自殺。秉因奏曰。臣按舊典。宦官本任給使省闈。而今執政操權。中常侍侯覽弟參。貪殘克惡。自取禍滅。覽知釁重。必有自疑之意。臣愚以爲覽宜急屏斥。送歸本郡。書奏。尚書召秉掾屬詰之曰。三公統外。御史察內。今越奏近官。經典漢制。何所依據。秉使對曰。春秋傳曰。除君之惡。惟力是視。鄧通懈慢。申屠嘉召詰責之。漢世故事。三公之職。無所不統。尚書不能詰。帝不得已。

免覽官。司隸韓緝因奏左官罪惡。及其兄太僕稱皆自殺。又奏具瑗兄恭。賊罪。瑗貶都鄉侯。

廢皇后鄧氏幽殺之。

帝多內寵。鄧氏驕忌。廢送暴室。以憂死。

詔李膺。馮緄。劉祐。

字伯祖。中山安國人。中輸作左校。

宛陵。

宛。當作苑。後漢縣。故城在今河南開封府新鄭縣。

羊元羣。罷北海郡。賊汚

狼籍。郡舍溷軒。有奇巧。亦載以歸。河南尹李膺表按其

罪。元羣行賂宦官。膺竟反坐。單超弟遷。為山陽太守。以

罪繫獄。廷尉馮緄考致其死。中官飛章誣緄以罪。中常

侍蘇康管霸固。

猶強占也。

天下良田美業。州郡不敢詰。大司

農劉祐。移書所在。依科品沒入之。帝大怒。三人俱坐輸

作左校。

夏五月。太尉楊秉卒。以劉瑜

字季節。廣陵人。

為議郎。

秉為人清白寡欲。嘗言我有三不惑。酒色財也。既沒。所舉賢良劉瑜上書言。中官不得裂土傳爵。嬖女冗食傷生。州郡賄賂公行。民愁鬱結。去入賊黨。貧民或賈首級以要賞。陛下又好微行。近習暴縱。惟遠斥邪佞。政和災弭矣。拜為議郎。

桂陽賊攻零陵。度尚擊斬之。

時荊州兵朱蓋等。徵戍役久。財賞不贍。忿恚作亂。與桂

陽賊胡蘭等復反。攻零陵。太守陳球拒之。

掾吏白球遣家避難。球怒。

曰。太守分國虎符。受任一邦。豈顧妻孥。而沮國威乎。復言者斬。乃弦大木為弓。羽矛為矢。引機發之。多所殺傷。

陳球力守危城。卓然可觀。至弦大木為弓。羽矛為矢。乃傳會荒唐。詭弓矢非機。

車播石之北古稱五百
步專以勁利爲用徒取權
然長大即巧於引發不知
何以用之文士譏其真不
思之甚著

賊激流灌城。球輒于內。因地勢反。尙時徵還京師。詔以

爲中郎將。討擊斬之。餘黨南走蒼梧。交趾刺史張磐又破之。賊復還荊州。至靈帝時。爲零

陵太守楊璇所平。張磐。字子石。丹陽人。楊璇。字機平。曾稽烏程人。

閏月。段熲擊西羌。破之。

段熲擊破西羌。進兵窮追。展轉山谷。自春及秋。無日不

戰。虜遂敗散。封熲都鄉侯。明年春正月。當煎諸種復反。熲又大破之。西羌遂定。

秋。七月。以陳蕃爲太尉。

蕃讓曰。不愆不忘。率由舊章。臣不如太常胡廣。齊七政。

訓五典。臣不如議郎王暢。暢先爲南陽太守。奮厲威猛。功曹張敞諫曰。懇懇用刑。不

如行恩。孳孳求姦。未若禮賢。化人在德。不在用刑。文武

兼資。折衝萬里。臣不如李膺。上不許。

八月初斂田畝稅錢。

九月立貴人竇氏爲皇后。

采女田聖有寵。帝將立以爲后。時竇武

字游平。扶風平陵人。融之元孫。

有女。亦爲貴人。陳蕃及司隸應奉皆以田氏卑微。竇氏

良家爭之甚固。帝不得已立竇氏。拜武爲特進。城門校

尉封槐里侯。

武在位多辟名士。清身疾惡。禮賂不通。妻

學諸生。及旬施貧民。由是衆譽歸之。

以李膺爲司隸校尉。

陳蕃數言李膺。馮緄劉祐之枉。請加原宥。誠辭懇切。以

至流涕。帝不聽。應奉上疏乞原膺等。以備不虞。乃悉免

其刑。久之膺復拜司隸校尉。時小黃門張讓弟朔爲野

王令貪殘無道。畏膺威嚴。逃還京師。匿于兄家合柱中。膺率吏卒破柱取朔。付獄。受辭畢。卽殺之。自此諸宦官皆鞠躬屏氣。休沐不敢出宮省。帝問其故。並叩頭泣曰。畏李校尉。時朝廷日亂。紀綱頽廢。而膺獨持風裁。以聲名自高云。

以劉寬

字文韶。弘農華陰人。

爲尙書令。

寬由東海相徵拜尙書令。未幾。出爲南陽太守。歷典三郡。溫仁多恕。雖在倉卒。未嘗疾言遽色。吏民有過。但用蒲鞭罰之。示辱而已。終不加苦。有功善。推之于下。有災異。則引躬自責。每見父老。慰以農里之言。年少。勉以孝弟之訓。人皆悅而化之。

丙午九年春正月辛亥朔日食詔舉至孝

太常趙典所舉至孝荀爽對策曰禮者所以興福祥之本止禍亂之源也衆禮之中昏禮爲首陽性純而能施陰體順而能化以禮濟樂節宣其氣故能豐子孫之祥致老壽之福也臣竊聞後宮采女六千侍使復在其外空賦不辜之民以供無用之女百姓困窮于外陰陽隔塞于內故感動和氣災異屢臻臣愚以爲諸未幸御者一皆遣出使成配合此誠國家之大福也詔拜郎中

夏四月河水清

濟陰東郡濟北平原

帝親祠老子于濯龍宮

以文罽

毳布也絛毛爲之

爲壇飾淳金鈿器

以金飾器之口也

設華蓋

之坐用郊天樂

殺南陽太守成瑨

字幼平弘農人

太原太守劉瓚

字文理高唐人

捕司隸

校尉李膺太僕杜密

字周甫潁川陽城人

部黨二百餘人下獄遂策

免太尉蕃

初帝為蠡吾侯受學于甘陵周福及卽位擢福為尙書

時同郡房植有名當朝

鄉人為之謠曰天下規矩房伯武因師獲印周仲進伯武植之

字仲進福之字

二家賓客互相譏揣遂成尤隙由是甘陵有南

北部黨人之議自此始矣汝南太守宗資

見前以范滂

為功曹南陽太守成瑨以岑暉

字公孝南陽棘人

為功曹皆使

之褒善糾違悉心聽政

二郡又為謠曰汝南太守范孟博南陽宗資主畫諾南陽太守

岑公孝弘農成瑨但坐嘯

太學諸生三萬餘人郭泰賈彪

字偉節潁川定陵人

彪嘗為新息長。小民貧困，多不養子。彪嚴其制，與殺人同罪。數年間，人養子者以百數。曰：此賈父之所生也。皆名為賈。為其冠與李膺、陳蕃、王暢更相褒重。學中語曰：天禮不畏彊禦，陳仲舉。下模楷李元天下俊秀王叔茂。于是中外承風，競以臧否相尚。自

公卿以下，莫不畏其貶議，宛有富賈張汎。

帝美人之外親，善雕鏤玩

好以遺中官。因得顯位。

恃勢縱橫，阻勸璿收捕。既而遇赦，璿竟誅

之後，乃奏聞。小黃門晉陽趙津貪橫放恣，太原太守劉

璣亦於赦後殺之。于是侯覽使汎妻上書訟冤。宦官因

緣譖訴璿璣。帝大怒，徵下獄。有司承旨，奏當棄市。山陽

太守翟超以張儉

字元節，山陽高平人。

為督郵。

郡官，監屬縣。

侯覽家在

防東。

後漢縣，故城在今兗州府金鄉縣。

殘暴百姓，大起塋冢。儉舉奏覽

破其冢宅，籍沒資財。徐璜兄子宣為下邳令，求故汝南

太守李暲女。不得。遂將吏卒至暲家。載其女歸。射殺之。

東海相黃浮。收宣家屬。無少長。悉案棄市。于是宦官訴

冤。帝又大怒。超。浮並坐髡鉗輸作。陳蕃與司空劉茂。字叔

盛。愷之子。共諫。請四人罪。帝不悅。茂不敢復言。蕃乃上疏曰。

今寇賊在外。四支之疾。內政不理。心腹之患。臣憂左右

日親。忠言日疎。內患漸積。外難方深。劉瓚。成瑨。誠心去

惡。而令伏歐刀。翟超。黃浮。奉公不撓。並蒙刑坐。陛下深

宜割塞近習。與政之源。引納尙書朝省之士。斥黜邪佞。

則天和于上。地洽于下矣。帝不納。宦官由此疾蕃彌甚。

輒以詔譴襄楷。襄氏。魯莊公子襄仲之後。以諡爲氏。楷字公矩。平原臨陰人。上疏曰。

劉瓚。成瑨。志除奸邪。而遠加考逮。三公乞哀。而嚴被譴

讓漢興以來未有拒諫誅賢用刑太深如今日者也書

奏不省復上書曰黃門常侍天刑之人陛下愛待兼倍

常寵繼嗣未兆豈不爲此又聞宮中立黃老浮屠魏志

正號曰佛陀佛陀與浮屠聲相近之祠黃老清虛好生

惡殺省慾去奢浮屠不三宿桑下陳濟正誤曰沙門受

下一宿慎莫再宿矣莫再宿卽不三宿之意也不欲久生恩愛今陛下淫女艷

婦極天下之麗甘肥飲美殫天下之味嗜欲不去殺罰

過理奈何欲如黃老浮屠乎時帝篤好浮屠術由是其

法浸盛故楷及之尙書奏楷違經誣上司寇論刑瑱瑱

竟死獄中岑晊逃竄獲免晊之亡也親友競匿之賈彪

勳無累後人公孝要君致釁自遺其咎河內張成者善

吾何容隱之乎後晬終于江夏山中

薦書糾惡在朝官為舉職
若精神居鄉定當以劉勝
為正否則大者橫議小者
武斷其害尚可言哉寒蟬
之誦擬不於論其時清流
惡習害人至此無怪黨錮
之禍至死不悟也

風角推占當赦教子殺人李膺為司隸收捕逢宥竟案
殺之成素以方技交通宦官宦官教成弟子牢修上書
告膺等養太學遊士共為部黨誹訕朝廷于是天子震
怒班下郡國逮捕黨人布告天下使同忿疾案經三府
陳蕃卻之曰今所案者皆海內人譽憂國忠公之臣此
等猶將十世宥也豈有罪名不章而致收掠者乎不肯
平署帝愈怒遂下膺等北寺獄辭連太僕杜密密素與李膺名
行相次時人謂之李杜密嘗為北海相去官還家每謁
守令多所陳請同郡劉勝亦自蜀郡告歸閉門掃軌太
守王昱謂密曰劉季陵清高士公卿多舉之者密曰劉
勝知善不薦聞惡無言隱情惜已自同寒蟬今志義力
行之賢而密達之違道失節之士而密糾之使明
府賞刑得中令聞休揚不亦萬分之一乎昱乃服以陳
寔范滂之徒二百餘人或遁逃不獲皆懸金購募陳寔曰吾

不就獄。衆無所恃，乃往請囚。范滂至獄，獄吏白祭臯陶。滂曰：臯陶，古之直臣，知滂無罪，將理之于帝，如其有罪，祭之何益？于是諸人皆不祭。陳蕃復上書極諫，帝諱其言切，託以辟

召非人策免之。

時黨獄所染，皆天下名賢。皇甫規自以西州豪傑，恥不得與，乃自言臣前薦故

大司農張奐，是附黨也。臣昔論輸左校，太學生張鳳等訟臣，是為黨人所附也。臣宜坐之。朝廷不問。

匈奴烏桓降，鮮卑走出塞。

時徵張奐為大司農，鮮卑聞奐去，招結南匈奴及烏桓

同叛，數道入塞，寇掠九郡。諸羌亦共寇武威，張掖乃復

拜奐為中郎將，以九卿秩督幽并涼三州及度遼烏桓

二營匈奴烏桓。聞奐至，皆降。唯鮮卑出塞去。朝廷患檀

石槐不能制，遣使持印綬封為王，欲與和親。檀石槐不

肯受，而寇抄滋甚，自分其地為三部。

從石北平以東至遼東，接夫餘濊貊。

為東部。從右北平以西至上谷。為中部。從上谷以西至烏孫。為西部。各置大人領之。

丁永康元年夏五月地裂。京師及上黨。

壬子晦日食。

六月赦黨人歸田里。禁錮終身。

陳蕃既免。朝臣震栗。莫敢復為黨人言者。賈彪曰。吾不

西行。大禍不解。乃入洛陽。說竇武。霍諝。字叔智。魏郡鄴人。等使

訟之。武上疏曰。近者奸民牢修。造設黨議。遂收前司隸

校尉李膺等。連及數百人。曠年拘錄。事無效驗。膺等建

忠抗節。志經王室。此陛下稷卨。與契通。伊呂之佐。而虛為

姦臣賊子所誣枉。惟陛下留神澄省。時。謂即時也。見理出。以

厭人鬼喁喁之心。書奏。因以病上還印綬。諡亦表請。帝

意稍解。使中常侍王甫就獄訊黨人。范滂等皆三木囊頭暴于階下。甫曰。卿等更相拔舉。迭爲脣齒。其意如何。滂曰。滂欲使善善同其清。惡惡同其汙。謂王政之所願聞。不悟更以爲黨。身死之日。願埋于首陽山側。上不負皇天。下不愧夷齊。甫愍然爲改容。乃得並解桎梏。膺等又多引宦官子弟。宦官懼。請帝以天時宜赦。六月。赦天下。改元。黨人二百餘人皆歸田里。書名三府。禁錮終身。滂候請而不謝。或讓之。滂曰。昔叔向不見祁奚。吾何謝焉。滂歸汝南。南陽士大夫迎之者車數千兩。鄉人殷陶黃穆侍衛于旁。應對賓客。滂曰。是重吾禍也。遂遁還初詔。下舉鉤黨。郡國所奏多至百數。唯平原相史弼無所上。詔書迫切。州郡髡笞掾吏。從事坐傳舍責曰。青州六郡其五有黨。平原何治而獨無。弼曰。先王疆理天下。畫界分境。水土異齊。風俗不同。他郡自有平原白。無胡可相比。若承望上司。誣陷良善。則平原之人戶可爲黨。相

有死而已。所不能也。從事大怒。即舉奏弼。會黨禁中解。弼以率贖罪。所脫者甚眾。竇武所薦。會稽楊奇。容儀偉麗。數言政事。帝愛其才貌。欲妻以公主。奇因辭不聽。遂不食而死。

秋八月。巴郡言黃龍見。

初。郡人欲就池浴。見池水濁。因相戲曰。此中有黃龍。語

遂流行。太守欲上之。郡吏傅堅諫曰。此走卒戲語耳。不

聽。時政化衰缺。郡國多言瑞應。是年八月。魏郡言嘉禾生。甘露降。十一月。西河言白兔見。皆黃龍類也。

大水。渤海溢。

冬十二月。帝崩。年三十六。尊皇后曰皇太后。太后臨朝。

初。竇后既立。御見甚稀。惟采女田聖等有寵。后素忌忍。

帝梓宮。尙在前殿。遂殺田聖。

遣使迎解瀆亭。在今直隸保定府祁州。侯宏。肅宗子。河間孝王開之曾孫。祖淑。父襄。世封解

行狀卷之二十三
解瀆亭侯侯詣京師

竇武召侍御史河間劉儵問以國中宗室之賢者儵稱
宏武白太后以儵持節奉迎宏時年十二

孝靈皇帝

戊申建寧元年春正月以竇武爲大將軍陳蕃爲太尉與司
徒胡廣參錄尚書事

是時國嗣未立諸尚書多託病不朝蕃移書責之曰今
帝祚未立諸君奈何委荼蓼之苦息偃在牀乎諸尚書
惶怖皆起視事

解瀆亭侯宏至入卽位

是爲孝靈帝

二月葬宣陵

在雒陽縣東北

史臣曰。桓帝初誅梁冀。奮怒威。天下猶企其息肩。而五邪嗣虐。流行四方。自非忠賢力爭。屢折姦鋒。雖願依樹。流彘亦不可得已。

追尊祖為孝元皇。夫人為孝元后。考為孝仁皇。尊母董氏

為慎園

章懷注。在瀛州樂壽縣。樂壽故城。在今直隸河間府獻縣。

貴人。

夏五月。丁未朔。日食。

六月。京師大水。

錄定策功。封竇武為聞喜

漢縣。今屬山西絳州。侯。

盧植

字子幹。涿郡涿人。

說武宜辭大賞。以全身名。武不能用。

植身。

長八尺二寸。音聲如鐘。性剛毅。有大節。少事馬融。融性豪侈。多列女倡歌舞于前。植未嘗轉眄融敬之。

封陳蕃為高陽鄉

馮智舒質實。高陽鄉疑即高陽城。注見前。侯。不受。

太后以蕃舊德。特封之。蕃固讓不受。

世皆以蕃武並稱然武食援立功即受侯封蕃有舊勛卒辭上賞所見相去甚

遠然蕃因武雜考鄭颯雖有此曹子何復考爲之語終乃以武坐失事機並要禍敗不得辭寡斷之譏矣

秋九月太傅陳蕃大將軍竇武奏誅宦者曹節等節等殺之遂遷太后于南宮。

初竇太后之立也陳蕃有力焉及臨朝政無大小皆委于蕃蕃與竇武同心戮力以獎王室徵天下名賢李膺

杜密尹勳

字伯元河南人

劉瑜等列於朝廷共叅政事於是天

下延頸想望太平而帝乳母趙嬖及諸女尙書且夕在

太后側中常侍曹節王甫等共相朋結詔事太后太后

信之數出詔命有所封拜蕃武疾之會有日食之變蕃

謂武曰昔蕭望之困一石顯況今石顯數十輩乎可因

此斥罷宦官以塞天變武乃白太后曰故事黃門常侍

但當給事省內門戶今乃使與政事任重權子弟布列

節甫罪久暴于天下武猶
豫不速誅必俟鄭颯辭連

專為貪暴天下匈匈宜悉誅廢以清朝廷太后曰故事

世有宦官但當誅其有罪者豈可盡廢邪時中常侍管

霸頗有才畧專制省內武先白收霸及蘇康等皆坐死

武復數白誅節等太后允音由與豫音同未忍蕃上疏

言侯覽曹節公乘昕主甫鄭颯等與趙夫人即趙諸尙

書並亂天下今不急誅必生變亂願出臣章宣示左右

并令天下諸姦知臣疾之太后不納八月太白犯房之

上將入太微晉書天文志房四星為明堂天子布政之

也劉瑜惡之上書太后曰案占書宮門當閉將相不利

姦人在主傍願急防之又勸武蕃速斷大計于是武奏

免黃門令魏彪以所親小黃門山周有山師之官水代

方自出宿傳人納奏傳云
不密害成無甚于此者

之。收鄭颯送北寺獄。蕃曰。此曹子便當收殺。何復考爲。

武令冰與勲雜考。辭連曹節。王甫。勲冰卽奏收節等。使

劉瑜內讀曰納奏。九月。武出宿歸府。典中書者。先以告朱

瑀。瑀盜發武奏。罵曰。放縱者自可誅耳。我曹何罪。而當

盡見族滅。因大呼曰。陳蕃竇武奏白太后廢帝。爲大逆。

乃夜召所親共音龔。姓也。商諸侯之國。音有左行共華。曹等十七人。歃血

共盟。節請帝御前殿。拔劔踊躍。趙嬈等擁衛左右。閉諸

禁門。召尙書官屬。脅以白刃。使作詔版。拜王甫爲黃門

令。持節至北寺獄。收勲。冰殺之。出颯。使持節收武等。武

馳入步兵營。召會北軍五校士數千人。屯都亭下。令軍

士曰。黃門常侍反。盡力者封侯。重賞。蕃聞難。將官屬諸

生八十餘人。並拔刃突入尙書門。攘臂呼曰。大將軍忠以衛國。黃門反逆。何云。竇氏不道邪。甫使劒士收蕃。送北寺獄。殺之。時張奐徵還。節等以奐新至。不知本謀。矯制使奐率五營士討武。甫將千餘人出與奐合。使其士大呼武軍曰。竇武反。汝皆禁兵。當宿衛宮省。何故隨反者乎。營府素畏服中官。于是武軍稍稍歸甫。自旦至食時。兵降略盡。武自殺。梟首都亭。收捕宗親賓客。悉誅之。及劉瑜馮述皆夷其族。遷皇太后于南宮。徙武家屬于日南。門生故吏皆免官禁錮。議郎巴肅始同謀。節等不知。但坐禁錮。後乃知而收之。肅自載詣縣。縣令解印綬。欲與俱去。肅曰。爲人臣者有謀不敢隱。有罪不逃刑。遂被誅。巴肅字恭祖。勃海高城人。曹節遷長樂衛尉。與甫等六人皆封列侯。蕃友朱震收葬

蕃屍匿其子逸。事覺。繫獄。震受考掠。誓死不言。逸由是得免。武掾胡騰。殞斂武屍行喪。亦坐禁錮。武孫輔。年二歲。騰詐以爲己子。與令史張敞共匿之。亦得免。朱震字伯厚。陳留人。張奐遷大司農。封侯。奐深病爲節等所賣。固辭不受。

冬十月甲辰晦日食。

己酉二年春三月。尊慎園貴人董氏爲孝仁皇后。置永樂宮。如桓帝尊

人禮。

夏四月。青蛇見御座上。大風。雨雷雹。詔公卿言事。

張奐上疏曰。昔周公葬不如禮。天乃動威。今武蕃忠貞。未被明宥。妖眚之來。皆爲此也。宜急爲改葬。徙還家屬。其從坐禁錮。一切蠲除。又皇太后雖居南宮。而恩禮不接。宜思大義。顧復之報。上深嘉其言。而爲宦者所制。不

得從也。

與又與尚書劉猛等共薦王暢李膺可參三公之選。節等疾其言遂下詔切責之。與等皆自囚。

廷尉數日得出。以俸贖罪。

郎中謝弼。

字輔宣。東郡武陽人。

上封事曰。皇太后幽

隔空宮。如有霧露之疾。陛下何面目以見天下。禮爲人

後者爲之子。今以桓帝爲父。豈得不以太后爲母哉。臺

宰重器。國命所繫。今之四公。

太尉司徒司空并太傅爲四公。

惟劉寵斷

斷守善。餘皆素餐致寇之人。必有折足覆餗之凶。可因

災異並皆罷黜。徵王暢李膺並居政事。庶災變可消。國

祚惟永。左右惡之。以他罪收弼。掠死于獄。光祿勳楊賜

字伯獻。震之孫。秉之子。

曰。王者心有所想。雖未形顏色。而五星以

之推移。陰陽爲其變度。夫皇極不建。則有龍蛇之孽。詩

云。惟虺惟蛇。女子之祥。惟陛下思乾剛之道。別內外之

宜抑皇甫之權。割艷妻之愛。則蛇變可消。禎祥立應。

六月。以劉囂

字重寧。長沙人。

為司空。

囂素附諸常侍。故致位公輔。

秋七月。段熲大破東羌。平之。封熲新豐

注見前。侯。

初。熲既定西羌。

事在桓帝延熹八年。

而東羌先零等種。猶未服。

永康

元年。春。先零圍殺。掠雲陽。是夏。寇三輔。攻沒兩營。殺。漢縣。故城在今陝西西安府耀州。殺。丁外反。羽音

詔。雲陽。漢縣。故城在今陝西邠州淳化縣。

皇甫規。張奐。招之連年。既降。又叛。

永康元年。張奐遣司馬董卓擊破先零。奐當封。以不事

宦官。不果。拜卓為郎中。董卓。字仲穎。隴西臨洮人。

桓帝詔以問熲。熲上疏具對。

略曰。東羌降於皇甫規者。已二萬落。今所餘三萬餘。

落。近居塞內。路無險折。久亂并。涼累侵三輔。是為癰疽。伏疾。留滯脅下。如不加誅。轉就滋大。若以騎五千。步萬人。車三千輛。三冬二夏。足以破定。伏計永初中。諸羌反。

叛。十有四年。用二百四十億。永和之末。復經七年。用八

十餘億。費耗若此。猶不誅盡。餘孽復起。於茲為甚。桓帝今不暫疲民。則永寧無期。臣庶竭驚劣。伏待節度。

悉聽如所上。頡於是將兵萬人。齎十五日糧。從彭陽漢縣

故城在今甘肅平涼府鎮原縣前。直指高平。與先零諸種戰。時

皆恐。頡令軍士長鋌利刃。長矛三重。挾以疆弩。列輕騎。盛

為左右翼。謂將士曰。今去家數千里。進則事成。走則盡死。努力共功名。因大呼。馳騎突擊。大破之於逢義山。今平涼府固原州有須彌山。或以為

即逢義山。虜眾奔潰。斬首八千餘級。太后下詔褒美。以頡為

破羌將軍。事在建寧元年二月。頡乘勝晨夜兼行。連破之。羌餘寇

四千落。悉散入漢陽山谷間。張奐上言。東羌雖破。餘種難盡。宜以恩降。可無後悔。

詔書下頡。頡復上言。張奐說虜強難破。宜用招降。聖朝明鑑。信納瞽言。臣謀得行。奐計不用。遂懷猜恨。節潤辭

意。言羌一氣所生。不可誅盡。血流汙野。傷和致災。臣伏

念先零雜種。累經反覆。臣奉大漢之威。建長久之策。欲絕其本根。不使能殖。本規三歲。今適期年。而餘寇殘燼。將向殄滅。願一以任臣。臨時量宜。不失權便。事在建

寧元年。至是。詔遣謁者馮禪。說降漢陽散羌。頰以羌雖

暫降。而縣官無廩。必當復爲盜賊。不如乘虛放兵。執必

殄滅。乃進營。去羌所屯四五十里。遣司馬田宴。夏育。先

將兵進擊。羌衆潰東奔。頰遣千人于西縣。注見前。結木爲

柵遮之。分遣宴育等。將七千人。銜枚夜上西山。結營穿

塹。去虜一里許。又遣司馬張愷。將三千人。上東山。虜乃

覺之。頰因與愷等挾東西山。縱兵奮擊。窮山深谷之中。

處處破之。斬其渠帥以下萬九千級。馮禪等所招降四

千人。于是東羌悉平。更封頰爲新豐縣侯。尋徵爲侍中。

頰在邊十餘年。未曾一日尋寢。與將士同甘苦。故皆樂

爲死戰。所向有功。凡百八十戰。斬三萬八千餘級。費四

十四億。軍士死者四百餘人。

三君俊顧及厨更相標榜
卒羅鈞黨之禍可為虛聲
阿附炳鑒

冬十月復治鉤黨殺前司隸校尉李膺等百餘人

初李膺等雖廢錮天下士大夫皆高尚其道更相標榜

為之稱號上曰三君賈武陳蕃劉淑為三君君者言一

樂成次曰八俊李膺荀昱杜密王暢劉祐魏朗趙典朱

書止名見朱寓次曰八顧郭泰宗慈巴肅夏馥范滂尹

沛人餘俱見前次曰八及宗慈字孝初南陽安衆人夏馥

能以德行引人者也字子治陳留圉人蔡衍字孟喜汝南項人羊本晉羊舌

氏春秋末始獨從羊陟字次曰八及張儉字季直劉表陳

嗣祖泰山梁父人餘見前次曰八及孔昱苑康檀敷

翟超為八及及者言其能導人追宗者也劉表字景

升山陽高平人陳翔字子麟汝南邵陵人孔昱字元世

魯國人檀敷字文有山陽瑕丘人次曰八厨度尚張邈

翟超字及郡縣范書闕餘見前次曰八厨王考劉儒

胡母班秦周蕃嚮王章為八厨厨者言能以財救人者

東萊人。方古之八元八愷。陳竇用事。舉拔膺等。及陳竇被

誅。膺等復廢。宦官疾惡之。而侯覽怨張儉尤甚。儉破覽家宅事。

具。儉鄉人朱並承覽意指。上書告儉與同鄉二十四人。

別相署號。共為部黨。圖危社稷。詔刊章捕儉等。曹節因

諷有司奏諸鉤黨者。下州郡考治。是時上年十四。問節

等曰。黨人何用為惡。而欲誅之邪。對曰。相舉羣輩欲為

不軌。上曰。不軌欲如何。對曰。欲圖社稷。上乃可其奏。或

謂膺曰。可去矣。對曰。事不辭難。罪不逃刑。臣之節也。吾

年已六十。死生有命。去將安之。乃詣詔獄。考死。門生故

吏並被禁錮。時御史蜀郡景毅子願為膺門徒。未有終

之。豈可以漏脫名籍。汝南督郵吳導受詔捕范滂。至

安而巳。遂自表免歸。

征羌。

後漢侯國。故城在今河南許州鄆城縣。

抱詔書。閉傳舍。伏牀而泣。一

縣不知所爲。滂聞之曰。必爲我也。卽白詣獄。縣令郭揖解印綬。引與俱亡。滂曰。滂死則禍塞。何敢以罪累君。又令老母流離乎。其母就與之訣曰。汝今與李杜齊名。死亦何恨。旣有令名。復求壽考。可兼得乎。滂跪受教。再拜而辭。顧其子曰。吾欲使汝爲惡。則惡不可爲。使汝爲善。則我不爲惡。行路聞之。莫不流涕。凡黨人死者百餘人。妻子皆徙邊。天下豪傑及儒學有行義者。宦官一切指爲黨人。有怨隙者。因相陷害。睚眦之忿。濫入黨中。或有未嘗交關。亦罹禍毒。其死徙廢禁者。又六七百人。郭泰聞黨人之死。私爲之慟曰。詩云。人之云亡。邦國殄瘁。大雅

瞻印之辭。漢室滅矣。但未知瞻烏爰止于誰之屋。小雅正耳。

泰雖好臧否人倫。而不為危言覈論。故能處濁世而怨

禍不及焉。張儉亡命困迫。望門投止。莫不重其名行。破

操兵到門。篤引欽就席曰。張儉負罪。豈得藏之。若審在

此。此人名士。明廷寧宜執之乎。欽起撫篤曰。蘧伯玉耻

獨為君子。足下如何專取仁義。篤曰。今欲分之。明廷載

半去矣。欽歎息而去。篤導儉出塞。其所經歷。連引收考

徧天下。儉與魯國孔褒有舊。亡抵褒不遇。褒弟融。年十

六。匿之事泄。儉亡走。國相收褒。融送獄。未知所坐。融曰。

保納舍藏者。融也。褒曰。彼來求我。非弟之過。吏問其母。

母曰。家事任長。妾當其辜。一門爭死。郡縣疑不能決。乃

上讞之。詔獨坐褒。及黨禁解。儉乃還鄉里。夏馥聞儉亡

命。歎曰。孽自已作。空汙良善。一人逃死。禍及萬家。何以

生為。乃自翦須變形。入林慮山中。隱姓名為冶家傭。親

突烟炭。形貌毀瘁。積二三年。人無知者。馥弟靜。載縑帛

追餉之。馥不受。曰。弟奈何載禍相餉乎。初中常侍張讓

父死。歸葬潁川。雖一郡畢至。而名士無往者。讓耻之。陳

是獨弔焉。及誅黨人。讓以寔故。多所全宥。袁閎聞黨事

起。欲投迹深林。以母老不宜遠遁。乃築土室四周於庭。

張儉亡命跡類岑暉故馥之責儉與賈彪之拒暉所見頗正夫平時既以名士自處罪不逃刑之義尙不能等其名又何足稱卒致黨門投止連累無辜不亦鄙哉

申屠蟠未入仕本可以囊括自金獨惜陳蕃李膺等號為賢者既得時居位足弭小人之變所處非申屠蟠比乃亦囿于清流虛聲率以拘牽坐失事機難辭責賢之備不可徒諉之運會使然也

不為口。自脯納飲食。母恩。時往就親。母去。便自掩閉。兄弟妻子莫得見也。潛身十八年。卒于土室。孔褒字文禮。弟融。字文舉。魯國人。孔子二初。范滂等非計朝政。十世孫袁閎。注見前。張讓。潁川人。自公卿以下。皆折節下之。太學生爭慕其風。以為文學將興。處士復用。申屠蟠字子龍。外黃人。獨歎曰。昔戰國之世。處士橫議。列國之君。至為擁篲先驅。卒有坑儒燒書之禍。今之謂矣。乃絕迹於梁碭之間。因樹為屋。自同傭人。居二年。滂等果罹黨錮之禍。惟蟠超然免於評論。司馬氏光曰。天下有道。君子揚於王庭。以正小人之罪。而莫敢不服。天下無道。君子囊括不言。以避小人之禍。而猶或不免。黨人生昏亂之世。不在其位。四海橫流。欲以口舌救之。以至身被淫刑。禍及朋友。士類殲滅。而國隨以亡。不亦悲乎。夫惟郭泰。既明且哲。以保其身。申屠蟠見幾而作。不俟終日。卓乎其不可及已。庚子晦。日食。

庚三年春三月丙寅晦日食。

辛四年春正月帝冠赦唯黨人不赦。

二月地震海溢。

三月辛酉朔日食大疫。

立貴人宋氏爲皇后。

帝朝太后于南宮。

帝以太后有拔立之功率羣臣朝南宮親饋上壽黃門令董萌因此數爲太后訴冤帝深納之供養資奉有加于前曹節主甫疾之誣萌以謗訕永樂宮下獄死。

壬熹平元年春正月帝謁原陵。注見前。

司徒掾蔡邕曰古不墓祭朝廷有上陵之禮始謂可損

廟寢樓神園陵藏魄漢
上陵亦禮緣義起俗儒

有執古不其堅說者豈
言自是平允

今見威儀察其本意乃知孝明皇帝至孝惻隱不易奪也禮有煩而不可省者此之謂也

三月胡廣卒

廣周流四公

一履司空再作司徒三登太尉又為大傅

三十餘年歷事六帝

禮任極優

罷免未嘗滿歲輒復升進

練達故事明解朝章京師諺曰

萬事不理問伯始

胡廣字

天下中庸有胡公然溫柔謹愨

常遜言恭色以取媚于時無忠直之風天下薄之

宦者侯覽有罪自殺

覽為長樂太僕

太后宮官

坐專權驕奢策收印綬自殺

夏六月大水

皇太后竇氏崩秋七月葬桓思皇后

竇太后母。卒于比景。太后憂思感疾。崩于雲臺。曹節主
甫欲用貴人禮殯。帝曰。太后親立朕躬。統承大業。豈宜
以貴人終乎。于是發喪成禮。節等欲別葬太后。而以馮
貴人配祔。詔公卿大會朝堂。太尉李咸字元卓。汝南西平人。時病。
扶輿而起。擣椒自隨。謂妻子曰。若皇太后不配食桓帝。
吾不生還矣。既議。坐者瞻望中官。莫肯先言。廷尉陳球
曰。皇太后以盛德良家母臨天下。遭時不造。援立聖明。
臣遇大獄。遷居空宮。家雖獲罪。事非太后。今若別葬。誠
失天下之望。且馮貴人無功于國。何宜上配至尊。李咸
曰。臣本謂宜爾。誠與意合。公卿以下皆從球議。節甫猶
爭之。咸復上疏曰。太后以陛下爲子。陛下豈得不以太

后爲母子無黜母。臣無貶君。宜合葬宣陵。一如舊制。帝從之。葬桓思皇后于宣陵。

詔司隸校尉劉猛論輸左校。

有人書朱雀闕。

南司馬門闕在宮門外。

言曹節主甫幽殺太后。詔

司隸劉猛逐捕。猛以其言直不肯急捕。月餘主名不立。詔以段熲代之。熲乃四出逐捕。及太學游生繫者千餘人。又以他事奏猛論輸左校。

殺渤海王悝。

質帝立。梁太后徙封帝父鴻爲渤海王。薨。無子。以悝爲嗣。悝。桓帝之弟也。

初。渤海王悝以不道貶爲瘞陶。

漢縣。故城在今直隸趙州寧晉縣。

王因

王甫求復國。許謝錢五千萬。旣而桓帝遺詔復之。悝知非甫功。不與。甫以中常侍鄭颯等與悝交通。乃使段熲

收颯等而奏颯等謀迎立悝詔冀州刺史收悝迫令自

殺

妃妾子女傳相以下百餘人皆被誅甫等十二人以功封列侯

癸丑二年春正月大疫

夏六月地震海水溢

秋七月以唐珍

潁川人

為司空

珍中常侍衡之弟故得拜

冬十二月癸酉晦日食

甲寅

三年冬十一月吳郡

注見前

司馬孫堅

字文臺吳郡富春人

討會稽

賊許生

三國志作許昌

斬之

孫堅始見此

先是會稽妖賊許生起句章

後漢縣故城在今浙江寧波府慈谿縣

自稱

陽明皇帝眾以萬數

事在元年

至是堅召募精勇得千餘人

與州郡合討生破斬之。

乙卯四年春三月立石經于太學門外。雒陽記曰太學在雒陽城南開陽門外堂

前石經四部碑凡四十六枚。

詔諸儒正五經文字命議郎蔡邕為古文篆隸。顏師古曰古文

謂孔子壁中書篆隸皆秦程邈所作篆有大篆小篆隸書以邈徒隸故謂之隸書也。三體書之刻

石立于太學門外使後儒晚學咸取正焉。碑始立其觀

視及摹寫者車乘日千餘兩。

夏四月大水。

鮮卑寇幽州。

鮮卑屢寇幽并大為邊患。是時朝議以州郡相黨人情比周乃制昏姻之家及兩州人士不得對相監臨已復

立三互法。

謂昏姻之家及兩州人上不得交互為官也。

禁忌轉密。選用艱難。

幽冀二州久缺不補。蔡邕上疏曰。幽冀舊壤。鎧馬所出。

比年兵饑。漸至空耗。今者闕職經時。萬里無條。無所管

繫。臣願蠲除近禁。其諸州刺史器用可換者。無拘日月

三互。以差厥中。不從。

六月。螟。

說文。蟲食穀葉者。

丙辰

五年夏。殺永昌太守曹鸞。更考黨人。禁錮五屬。

五服內之親也。

永昌太守曹鸞上書曰。夫黨人者。或者年淵德。或衣冠

英賢。皆宜股肱王室。左右大猷者也。而久被禁錮。辱在

塗泥。所以災異屢見。水旱洊臻。宜加沛宥。以副天心。帝

大怒。檻車收鸞送獄。掠殺之。于是詔州郡更考黨人門

生故吏父子兄弟在位者悉免官禁錮爰及五族。光和二

上祿長和海。上言黨人銅及五族有乖訓典。乃詔黨錮從祖以下皆釋之。上祿漢縣故城在今甘肅階州成縣和氏堯時和仲和叔之後。

丁巳六年夏四月大旱蝗。

以旱蝗詔令三公條奏長吏苛酷貪汙者罷免之平原

相陽球。周景王封少子于陽樊因邑命氏球字方正。漁陽泉州人。坐嚴酷徵詣廷尉。

帝以球前討賊有功。九江山賊起球為九江太守設方畧凶賊殄破。特赦之拜

議郎。

以宣陵孝子為太子舍人。

市賈小民相聚為宣陵孝子者數十人詔皆除太子舍

人。初帝好文學自造皇義篇五十章引諸生能為文賦

宣陵孝子拜官且古與聞
彼走馬應不求聞達科舉
孝廉爰別署較此不為奇

矣

布世臣不進金車

卷之二十五

者。並待制鴻都門下。後諸為尺牘

木簡以書辭賦也。長一尺。故曰尺牘。及

工書鳥篆

字為蟲鳥形。六體之一也。

者皆加引召。至數十人。侍中

酒樂松賈護多引無行趣執之徒置其間。憲

去聲。陳問好也。

里小事。帝甚悅之。待以不次之位。蔡邕因上封事。

畧曰。古者

取士必使諸侯歲貢。孝武之世。郡舉孝廉。又有賢良文

學之選。于是名臣輩出。文武並興。漢之得人。數路而已。

夫書畫辭賦。才之小者。匡國治政。未有其能。陛下聽政

餘暇。觀省篇章。聊以游意。非以為教化。取士之本。而諸

生競利。作者鼎沸。遠徇俗語。有類併優。或竊成文。虛昌

名氏。皆見拜擢。既加之恩。難復收改。但不可復使治民

及在州郡。宣陵孝子。虛為小人。本非骨肉。羣聚山陵。假

名稱孝。義無所依。至有姦軌之人。通容其中。太子宫屬

宜搜選令德。豈有但取邱墓凶醜之人。其為不祥莫大焉。宜遣歸田里。以明詐偽。書奏。帝乃詔

秋八月。遣校尉夏育等擊鮮卑。敗績。

護烏桓校尉夏育上言。鮮卑寇邊。自春以來三十餘發。請徵幽州諸郡兵出塞擊之。一冬二春必能禽滅。先是護羌校尉田晏坐事論刑。欲立功自贖。因請王甫求得為將。乃拜晏破鮮卑中郎將。大臣多不同者。乃召百官議。蔡邕議曰。自匈奴遁逃。鮮卑疆盛。據其故地。稱兵十萬。才力勁健。意智益生。加以關塞不嚴。禁網多漏。精金良鐵皆為賊有。漢人遁逃。為之謀主。兵利馬疾。過于匈奴。今育晏虛計二載。自許有成。若禍結兵連。豈得中休。當更徵發。轉運無已。就如其言。猶已危矣。況得失不可量邪。帝不從。八月遣育出高柳。晏出雲中。各將萬騎出塞二千餘里。檀石槐命三部大人逆戰。育等大敗。喪其節傳輜重。各以數十騎犇還。死者什七八。育晏檻車徵下獄。贖為庶人。

冬十月癸丑朔日食。

地震。

鮮卑寇遼西。太守趙苞。

字威豪。甘陵東武城人。

破之。

遼西太守趙苞到官。遣使迎母。道經柳城。

漢縣。故城在今熱河界。

值鮮卑萬餘人入塞寇鈔。苞母及妻子。遂為所刦。質載

以擊郡。苞出戰對陳。賊出母示苞。苞悲號謂母曰。為子

無狀。欲以微祿奉養朝夕。不圖為母作禍。昔為母子。今

為王臣。義不得顧私恩。毀忠節。唯當萬死。無以塞罪。母

遙謂曰。威豪。人各有命。何得相顧以虧忠義。爾其勉之。

苞即進戰。賊悉摧破。其母妻為賊所害。苞歸葬訖。謂鄉

人口。食祿而避難。非忠也。殺母以全義。非孝也。如有

何面目立于天下。遂歐血而死。

程子論趙苞而及徐庶不知庶在當陽與昭烈君臣之分未定尚可言去使庶處苞位亦將捨郡全母乎至孝孺所云更非正論彼既挾其母以要之欲求兩全勢必兩失首鼠兩端者率用藉口為苞計者設計全城可也進戰則太速矣然終以死報母則其節有可憐則而不可竟以不知義罪之矣

程子曰。以君城降賊。而求生其母。固不可矣。然亦當求所以生母之方。奈何不顧而遽戰乎。徐庶于此。蓋得之矣。

方氏孝孺曰。苞善守官矣。然而未知義也。彼鮮卑者。衆多而可以計取。性貪而可以利誘。苞若賂之。而以母爲請。彼樂得吾之利。未必不從。縱使利未足以盈其心。吾猶可以計勝之。奈何不此之圖。而使母死于寇乎。夫義者。合乎道而宜乎人心之謂。棄母以全城。與全母而棄郡。其非義則一也。權其輕重。使上不失親。次不失職。惟達于義者能之。惜乎苞之不足以及此也。

戊午
光和元年春二月辛亥朔日食。

地震。

置鴻都門學。

鴻都門學諸生。皆敕州郡三公。舉用辟召。或出爲刺史太守。入爲尙書侍中。有封侯賜爵者。士君子恥與爲列。

自古養主官人之弊。陋至鴻都西邸而極矣。論史者更何從加貶。

既而詔爲樂松等圖像立贊。以勸學者。尙書令陽球諫曰。松等皆出于微蔑。斗筭小人。俛眉承睫。徼進明時。而形圖丹青。有識掩口。願罷鴻都之選。以銷天下之謗。書奏不省。

以張顥

字智明。常山人。

爲太尉。

顥爲中常侍奉弟。因永樂宮門史霍玉以進。未幾罷。

夏四月地震。

侍中寺雌雞化爲雄。

秋七月青虹見玉堂殿庭中。

時又有異氣墮溫德殿東。氣如龍長十餘丈。

上以災異詔問消復之術。光祿大夫楊賜對曰。今妄媵閹尹。共專國朝。鴻都羣小。並各拔擢。而令縉紳之徒。委

伏猷畎口誦堯舜之言。身蹈絕俗之行。委捐溝壑。不見逮及。冠履倒易。陵谷代處。辛癸皇天垂象譴告。周書曰。天子見怪則修德。唯陛下斥遠佞巧。抑止繁遊。冀上天還威。衆變可弭。蔡邕對曰。臣伏思諸異。皆亡國之怪也。天子大漢殷勤不已。故屢出祲與妖同。變以當譴責。欲令人君感悟。改危卽安。蜺墮雞化。皆婦人干政之所致也。前者乳母趙嬈。讒諛驕溢。門史霍王。永樂門史黃太后宮官。城社爲姦。今道路紛紜。復云有程大人。宮官者宿皆稱中大人。者將爲國患。宜明設禁令。深惟趙霍。以爲至戒。聖朝旣自約厲。左右亦宜從化。人自抑損。以塞咎戒。則天道虧滿。鬼神福謙矣。帝覽而歎息。因起更衣。曹節于後竊視之。悉宣

語左右中常侍程璜使人飛章言邕私事下雒陽獄劾

大不敬棄市中常侍呂强成阜人愍邕無罪力為伸請詔

減死一等與家屬髡鉗徙朔方璜女夫陽球又與邕叔父有隙遣客刺邕客感

其義反以其情告之由是得免

八月有星孛于天市

冬十月廢皇后宋氏幽殺之

后無寵而渤海王惲妃即后之姑也王甫恐后怨之因

譖后挾左道祝詛帝信之策收璽綬后自至暴室以憂

死父酈及兄弟並被誅

以袁逢字周陽安會孫為司空

初太尉袁安子敞為司空見前孫湯字仲河復為太尉湯

三子長成。早卒。次逢次隗。字次陽。逢以三公子著稱于時。

至是為司空。隗亦顯官。熹平元年。先逢為司徒。時中常侍袁赦用

事。以逢隗相家。與之同姓。推崇以為外援。故袁氏貴寵

于世。成子紹。字本初。壯健有威容。愛士養名。賓客輻輳。逢

子術。字公路。亦以俠氣聞。先是逢從兄子閔。見時方險亂。而家門富盛。常對兄弟歎曰。先

公福祚。後世不能以德守之。而競為驕奢。與亂世爭權。此即晉之三郤矣。

丙子晦日食。

尚書盧植上言。黨錮多非其罪。可加赦宥。宋后家屬無

辜。不得斂葬。宜敕收拾。以安遊魂。郡守刺史。一月數遷。

縱不九載。可滿三歲。請謁希求。一宜禁塞。選舉之事。責

成主者。天子無私。宜宏大務。蠲略細微。帝不省。

御批歷代通鑑輯覽

卷之二十一

三

以橋元

黃帝葬橋山子孫守冢因以爲氏元字公祖睢陽人

爲太尉

元幼子十歲遊門次爲人所刦登樓求貨元不與司隸

校尉河南尹圍守元家不敢迫元瞋目呼曰姦人無狀

元豈以一子之命而縱國賊乎促令攻之元子亦死元

因上言天下凡有刦質者皆并殺之不得贖以財寶開

張姦路由是刦質遂絕

元居位數月以疾罷

初開西邸賣官

開邸舍于西園賣官二千石二千萬四百石四百萬其

以德次應選者半之或三分之一令長隨縣好醜豐約

有賈富者先入錢貧者到官然後倍輸又私令左右賣

公卿公千萬卿五百萬

桓帝之初京都童謠曰城上烏尾畢浦公爲吏子爲徒一徒死

百乘車。車班班入河間。河間姪女工數錢。以錢爲室金
爲堂。石上慊慊春黃梁。梁下有懸鼓。我欲擊之丞相怒。
及帝卽位。每笑桓帝不能作家。曾無私錢。董太后乃使
帝賣官求貨。以爲私藏。后亦自納金錢。盈滿堂室。于是
童謠始驗。帝問侍中楊奇曰。朕何如桓帝。對曰。陛下之于桓
帝。亦猶虞舜比德唐堯。帝不悅。曰。卿強項。眞楊震子孫。
死後必復致大鳥矣。大鳥事見前。奇。震之曾孫也。

己未二年春大疫。

地震。

夏四月甲戌朔日食。

宦者王甫伏誅。太尉段熲有罪自殺。

王甫曹節等姦虐弄權。段熲以輸貨得太尉。阿附之節。
甫父兄弟弟。爲卿校牧守者。布滿天下。所在貪暴。甫養

段熲平定兩羌。漢末將材
所謂錚錚佼佼者乃亦阿
附閹豎。晚節不終雖時勢
所爲然究失卓志矣

球甫為司隸即誅元惡以鷹鷂擊鵩梟豈得謂之刑濫史臣列之酷吏竟與王吉同傳可謂無識

子吉為沛相尤殘酷視事五年凡殺萬餘人尚書令陽

球常拊髀發憤曰若陽球作司隸此曹子安得容乎既

而果遷司隸甫使門生于京兆界幸權與幸較同官財

物七千餘萬京兆尹楊彪字文先發之球奏甫頗等罪

惡悉收送雒陽獄及甫子萌吉自臨考之五毒備極父

子悉死杖下頗亦自殺乃磔甫尸于夏城門雒陽城南門名大

署榜曰賊臣王甫盡沒入其財產妻子皆徙比景球遂

欲以次表誅節等乃敕中都官從事曰且先去權貴大

猾若公卿豪右從事自辦之何須校尉邪節等聞之不

敢出沐會送虞貴人順帝母葬節見磔甫尸慨然投淚直

入省白帝曰陽球故酷暴吏不宜使在司隸以騁毒虐

帝乃徙球爲衛尉。于是曹節、朱瑀等權勢復盛。梁人審

不如言。願受湯鑊之誅。不報。

封中常侍呂強爲都鄉侯。不受。

強清忠奉公。帝以衆例封爲都鄉侯。強固辭不受。因上疏曰。宦官品卑人賤。妄授茅土。開國承家。小人是用。陰陽乖刺。罔不繇茲。蔡邕對問。毀刺貴臣。譏呵宦官。陛下不密其言。令羣邪咀嚙。致邕刑罪。今羣臣皆以邕爲戒。臣知朝廷不復得聞忠言矣。宜徵邕。更加授任。則忠貞路開。衆怨可弭。帝知其忠而不能用。

殺司徒劉郃。

字季承。河間人。是年二月爲司徒。

少府陳球。尚書劉納。衛尉

陽球。

初邵兄儵死于陳寶之難。至是陳球說邵曰。曹節等放縱爲害。可表徙陽球爲司隸。以次收節等誅之。邵曰。凶豎多耳目。恐事未會。先受其禍。劉納曰。公爲國棟梁。傾危不持。焉用彼相邪。邵許諾。與陽球結謀。球小妻程璜之女。由是節等聞知。共白帝曰。邵等交通書疏。謀議不軌。帝大怒。邵及陳球。劉納。陽球皆下獄死。

庚申三年秋地震。

冬有星孛于狼弧。

晉書天文志。狼一星。在東井東南。弧九星。在狼東南。

十二月立貴人何氏爲皇后。

徵后兄進。

字遂高。

爲侍中。后本南陽屠家。以選入掖庭。生

皇子辯。故立之。

後王美人生皇子協。后酖殺美人。帝怒。欲廢后。中官固請乃止。

作畢圭靈比苑畢圭苑有二。東畢圭苑周一千五百步。西畢圭苑周三千三百步。並在雒陽宣平門外。

司徒楊賜諫曰。先王造囿。裁足以修三驅之禮。薪菜芻牧皆悉往焉。今廢田園。驅居人。畜禽獸。殆非若保赤子之義。帝欲止。侍中任芝。樂松曰。文王之囿百里。人以為小。今與百姓共之。無害也。帝悅。遂為之。五年。帝起四百尺。觀于阿亭道。

六年。帝又置園囿署。以宦者為令。

辛酉四年夏六月雨雹。

秋九月庚寅朔日食。

鮮卑檀石槐死。

子和連代立。才力不及父。而貪淫。出攻北地。人射殺之。

子騫曼幼。兄子魁頭立。後騫曼與魁頭爭國。眾遂離散。

魁頭死。弟步度根立。

作列肆于後宮。

帝作列肆于後宮。使諸采女販賣。更相盜竊爭鬪。帝著

商賈服。從之飲宴為樂。又于西園弄狗。著進賢冠帶綬。

又駕四驢。躬自操轡。京師轉相倣效。驢價遂與馬齊。好

為私穡。與蓄同。收天下珍貨。每郡國貢獻。先輸中署。名為

導行費。貢獻外別有所入。以為所獻導引也。呂強諫曰。天下之財。莫不生

之陰陽。歸之陛下。豈有公私。今中尚方斂諸郡之寶。中

御府積天下之繒。中尚方。中御府。皆私藏也。西園引司農之藏。中廐

聚太僕之馬。時帝置驂驥廐丞。領受天下調馬。而所輸之府。輒有導行

之財。調廣民困。費多獻少。姦吏因其利。百姓受其敝。又阿媚之臣。好獻其私。容諂姑息。自此而進。書奏不省。

壬戌五年春正月。詔公卿舉刺史二千石爲民害者。

太尉許馡。司空張濟。

字元江。潯陽人。

承望內官。受取貨賂。其宦

者子弟賓客貪穢。皆不敢問。而虛糾邊遠小郡清修有惠化者。二十六人。吏民詣闕陳訴。司徒陳耽。字漢公。東海人。上言。公卿所舉。率黨其私。所謂放鴟梟而囚鸞鳳。帝以讓馡。濟。由是諸坐謠言徵者。悉拜議郎。

二月大疫。

夏四月旱。

秋七月有星孛于太微。

注見前。

史稱宦官畏典然典實無所彈劾見於史策驄馬之謠蓋亦虛聲相尚而已

張角左道惑眾積十餘年未聞有捕治之者卒致養癰滋蔓八州牧庸懦乃爾時事可知矣

後漢書卷之二十一

以桓典

字公雅。樂之元孫。

為侍御史。

典為御史宦官畏之典常乘驄馬京師為之語曰行行

且止避驄馬御史

癸亥六年夏大旱

秋金城河溢

五原山岸崩

甲子中平元年春二月黃巾賊張角等起

初鉅鹿張角事黃老以妖術教授號太平道呪符水以

療病遣弟子遊四方轉相誑誘十餘年間徒眾數十萬

自青徐幽冀荆揚兗豫八州之人莫不畢應郡縣反言角以善道教化為民所歸楊賜上言宜

敕州郡簡別流民護歸本郡以孤弱其黨然後誅其渠

帥可不勞而定。事留中。司徒掾劉陶復上疏。申賜前議。帝殊不爲意。角遂置三十六方。方猶將軍也。大方萬餘人。小方六七千。各立渠帥。訛言蒼天已死。黃天當立。歲在甲子。天下大吉。以白土書京城寺門及州郡官府。皆作甲子字。大方馬元義等先收荆揚數萬人。以中常侍封譖。徐奉等爲內應。約以三月五日。內外俱起。至是角弟子唐周告之。于是收元義車裂。詔三公司隸。案驗宮省直衛及百姓事。角道者誅殺千餘人。角等知事已露。馳敕諸方。一時俱起。皆著黃巾爲識。角自稱天公將軍。弟寶稱地公將軍。梁稱人公將軍。時人謂之黃巾賊。亦名爲蛾賊。所在燔劫。旬月之間。天下響應。以何進爲大將軍。屯都亭。

和氏因近金華

自函谷

秦故關在今河南陝州靈寶縣南漢故關在太

谷

在今洛陽縣東張衡東廣成苑伊闕在今洛

都

春秋襄公在河南府偃師縣東南元和志山

周

關塞車轅路險阻凡十二曲將去復還故名

尉官

是為八關都尉以備黃巾

赦黨人

遣中郎將盧植討張角皇甫嵩

字義真朱儁字公

儁

上討潁川黃巾

安平

後漢國治信都注見前

甘陵

注見

人各執其王

安平王續應

賊京師震動帝召羣臣會議北地太守皇甫嵩以為宜

解黨禁益出中藏錢西園廐馬以班軍士呂強曰黨錮

久積人情怨憤若不赦宥與角合謀為變滋大請先誅

呼常侍爲公母千古奇事
如此而不亡國者未之有
也

左右負濁。大赦黨人。料簡收守能否。則盜無不平矣。帝
懼而從之。發天下精兵。遣植討張角。嵩儁討潁川黃巾。

殺中常侍呂強。侍中向栩。

字甫興。朝歌人。郎中張鈞。

中山人。

時趙忠、張讓等貴寵。上常言。張常侍是我公。趙常侍是
我母。由是宦官無所憚。第宅擬則宮室。上嘗欲登永安
宮候臺。宦官恐望見其居處。乃使人諫曰。天子不當登
高。登高則百姓虛散。上自是不敢復升臺榭。及譖奉事
發。上詰責諸常侍曰。汝曹常言黨人欲爲不軌。皆令禁
錮。今黨人更爲國用。汝曹反與角通。爲可斬。未。皆叩頭
求退。徵還宗親在州郡者。已而趙忠、夏惲共譖呂強云。
與黨人共議朝廷。數讀霍光傳。

言其欲謀廢立也。

帝使中黃門

持兵召强。强怒曰。丈夫欲盡忠國家。豈能對獄吏乎。遂自殺。侍中向栩。上便宜譏刺左右。讓誣栩與角爲內應。殺之。郎中張鈞上書曰。張角所以能興兵作亂。萬民所以樂附之者。皆由十常侍宗親賓客。典據州郡。辜權財利。侵掠百姓。百姓冤無所訴。故聚爲盜賊。宜斬十常侍。縣頭南郊。以謝百姓。遣使者布告天下。可不須師旅。而大寇自消。帝以鈞章示諸常侍。皆免冠徒跣頓首。乞自致雒陽詔獄。並出家財。以助軍費。有詔皆冠履視事如故。帝怒鈞曰。此真狂子也。十常侍固當有一人善者不。御史遂誣奏鈞學黃巾道。收掠死獄中。

太尉楊賜免。

帝問賜以黃巾事。賜所對切直。帝不悅。坐寇賊免。

五月，皇甫嵩、朱雋與騎都尉曹操

字孟德，沛國譙人。父嵩，宦者曹騰養子。或曰：嵩

夏侯氏之子也。

合軍討三郡黃巾，破平之。

胡三省曰：曹操事始此。

雋與賊波才

波，姓。才，名。王莽有波水將軍，其後以波爲氏。

戰敗，賊遂圍嵩于

長社。

注見前。

依草結營。會大風，嵩敕軍士皆束芎藭乘城，使

銳士間出圍外，縱火大呼。城上舉燎應之。嵩從城中鼓

譟而出，犇擊賊陳。賊驚亂，犇走。會騎都尉曹操將兵適

至，合軍與戰，大破之，斬首數萬。遂討汝南陳國黃巾，皆

破之。三郡悉平。操少機警，有權數，而任俠放蕩，不治行

業。時人未之奇也。唯橋元及何顒

字伯求，南陽襄鄉人。

異焉。元謂

天下將亂，非命世之才不能濟也。能安之者，其在君乎。顒見操歎曰：漢家將亡，安天下者必是人也。時汝

南許劭

字子將。平輿人。

與從兄靖

字文休。

有高名。好覈論鄉黨人

物。每月輒更其題品。故汝南俗有月旦評焉。操往造劭。

問之曰。我何如人。劭鄙其為人不答。操刲之。劭曰。子治

世之能臣。亂世之姦雄。操喜而去。後舉孝廉為郎。至是

平賊遷濟南相。奏免長吏阿附賊汙者八人。

朱儁護軍司馬傳變。

上疏曰。臣聞天下之禍。不由于外。皆興于內。今張角起

趙魏。黃巾亂六州。此皆釁發蕭牆而禍延四海者也。臣

奉辭伐罪。戰無不克。黃巾雖盛。不足為憂。臣之所懼。在

于治水。不自其源。末流彌增其廣。誠使張角梟夷。黃巾

變服。臣之所憂。甫益深耳。何者。夫邪正不宜共國。猶之

冰炭不可同器。彼知正人之功顯。而危亡之兆見。皆將

巧辭飾說。共長虛偽。若不詳察。忠臣將復有杜郵之戮

矣。陛下宜速行讜佞之誅。則善人思進。姦凶自息。趙忠

惡之。變功當封。忠譖之。帝猶識變言。不之

罪。然亦竟不封也。傳變字南容。靈州人。

父趾吏民作亂以賈琮

字孟堅。東郡聊城人。

為刺史平之

交趾多珍貨。前後刺史無清行。故吏民怨叛。琮到部。訊其反狀。咸言賦斂過重。百姓莫不空單。京師遙遠。告寃無所。故聚爲盜賊。琮卽移書告示。各使安其資業。招撫荒散。蠲復徭役。誅斬渠帥爲大害者。簡選良吏試守諸縣。歲間蕩定。百姓以安。巷路爲之歌曰。賈父來晚。使我先反。今見清平。吏不敢飯。言吏不敢過民家而飯也。

盧植圍張角于廣宗。

後漢縣。故城在今直隸廣平府威縣。今順德府廣宗縣。元時所置。檻

車徵還。遣中郎將董卓代之。

植連破張角。斬獲萬餘。角走廣宗。植築圍鑿塹。垂當拔之。帝遣小黃門左豐視軍。求賂不得。還言于帝曰。廣宗賊易破耳。盧中郎固壘息軍。以待天誅。帝怒。檻車徵植。

還。減死一等。遣卓代之。

秋八月。遣皇甫嵩討張角。角死。與角弟梁寶戰。皆破斬之。

以嵩為車騎將軍。領冀州牧。

董卓以無功抵罪。乃詔遣嵩。時角已死。嵩與其弟梁戰。

破之。斬梁。剖角棺。傳首京師。復攻梁弟寶于下曲陽。

後漢

縣故城在今直隸正定府晉州。斬之。嵩能溫卹士卒。每軍行頓止。須營

幔修立。然後就舍。軍士皆食。爾如此也乃嘗飯。故所向有

功。

先零羌及涼州羣盜北宮

北宮氏。衛公族。以所居為氏。

伯玉等反。

北地先零羌及枹罕河關羣盜反。共立湟中義從胡北

宮伯玉為將軍。金城人邊章韓遂

字文

素著名西州。羣

皇甫嵩初以火其破賊繼而斬賊殲渠功以最著同時盧植王允並績垂成罹禍嵩獨得免則功明哲尤不可及

盜誘而刦之。使專任軍政。殺太守。燒州郡。初。武威太守

州從事蘇正和案致其罪。刺史梁鵠懼。欲殺正和。以自

解。訪于漢陽長史蓋勲。勲與正和有仇。或勸勲報之。勲

曰。謀事殺良。非忠也。乘人之危。非仁也。乃諫鵠曰。夫繼

食鷹隼。欲其驚也。驚而烹之。將何用哉。鵠乃止。正和詣

勲求謝。勲不見。曰。吾為使君謀。非為正和也。怨之如初。

至是。叛羌圍校尉夏育于畜官。勲與州郡救育。為羌所

敗。勲餘眾不及百人。身被三創。堅坐不動。羌滇吾以兵

扞眾曰。蓋長史賢人。汝曹殺之。為負天。勲仰罵之。滇吾

下馬與勲。勲不肯上。羌服其義勇。不敢加害。送還漢陽

在。蓋勲字元固。敦煌人。畜官。漢書音義。右扶風畜牧所

朱儁擊南陽黃巾。連破之。

南陽黃巾餘黨。更以趙宏為帥。眾十餘萬。據宛城。朱儁

圍之。不拔。有司奏徵儁。司空張溫字伯慎。儁人。曰。臨軍易將。

兵家所忌。宜假日月。責其成功。帝乃止。儁擊宏。斬之。賊

帥韓忠復據宛拒儁。儁自將精卒乘城而入。忠乃退保小城乞降。諸將欲聽之。儁曰：「兵固有形同而勢異者。昔秦項之際，民無定主，故賞附以勸來耳。今海內一統，惟黃巾造逆，納降無以勸善，而更開逆意。使賊利則進戰，鈍則乞降，縱敵長寇，非良計也。」因急攻，不克。儁登土山望之，顧謂司馬張超曰：「昔知之矣。賊今外圍周固，內營逼急，乞降不受，欲出不得，所以死戰也。萬人一心，猶不可當，況十萬乎？不如撤圍，并兵入城，忠見圍解，心必自出，自出則意散，易破之道也。」既而解圍，忠出戰，儁因擊大破斬之。餘衆復奉孫夏爲帥，屯宛。儁急攻之。司馬孫堅率衆先登，拔城夏走。儁追破之。于是黃巾破散，其餘州郡所誅，一郡數千人。

豫州刺史王允

字子師，太原祁人。

討黃巾，破之，徵下獄，減死論。

黃巾約封諸等為內應其言猶出下張角弟子至主允奏上張讓與黃巾交通之書雖中主亦當立置下法乃反信譏罪允是真亡國之君胡實以中人以下目之猶為失寬

允破黃巾得張讓賓客書與黃巾交通上之帝責怒讓竟不能罪也。讓由是以事中允下獄。會赦還故官。旬日間復以他罪捕。既至廷尉。大將軍進與楊賜袁隗共請之得減死論。

乙丑二年春正月大疫。

二月南宮雲臺災。

張讓趙忠說帝斂天下田畝十錢以修宮室鑄銅人樂

安太守陸康

字季寧吳郡人續之孫

諫曰昔魯宣稅畝而蜚災自

生哀公增賦而孔子非之豈有聚奪民物以營無用之

銅人捐捨聖戒自蹈亡王之法哉內倖譖康援引亡國

以譬聖明大不敬檻車徵詣廷尉侍御史劉岱

字公山東萊人

寵從

表陳解釋得免歸田里。又詔發州郡材木文石黃門常侍輒令譴呵不中者因強折賤買僅得本價十一復貨之中者亦不卽受材木腐積宮室連年不成刺史太守復增私調百姓呼嗟又令西園騶分道督趣恐動州郡多受賕賂牧守茂才孝廉遷除皆責助修宮錢當之官者皆先至西園諧價謂平定其價也然後得去鉅鹿太守司馬直以有清名減責三百萬直悵然曰爲民父母而反割剝百姓以稱時求吾不忍也辭疾不聽行至孟津上書極言吞藥自殺書奏帝爲暫絕修宮錢

黑山

在今直隸順德府沙河縣北

賊褚燕降

目張角之亂所在盜賊並起不可勝數

其大聲者稱雷公騎白馬者爲

張白騎多鬚者。號于氏根。大眼者。為大目。如常山褚燕。

輕勇趨捷。故軍中號曰飛燕。山谷寇賊多附之。部眾寢

廣。殆至百萬。號黑山賊。河北諸郡縣。並被其害。朝廷不

能討。燕乃遣使奏書乞降。遂拜燕平。難中郎將。使領河

北諸山谷事。已燕寇河內。詔遣朱儁擊却之。其後諸賊

復率其眾降。封安國亭侯。

三月。以崔烈博平人。為司徒。

時三公往往因常侍阿保。入錢西園而得之。段熲。張溫

勤。然皆先輸貨。烈本冀州名士。至是因傳母入錢五百

萬。故得為司徒。而聲譽頓衰。烈拜日。帝謂親幸者曰。悔

于傍應曰。崔公名士。豈肯買官。賴我得是。反

不知妹耶。妹。美也。言反不知斯事之美也。

北宮伯玉等寇三輔。遣皇甫嵩討之。

時涼州兵亂不解。崔烈以爲宜棄涼州。詔會公卿議之。議郎傅燮厲言曰。斬司徒。天下乃安。尙書劾之。帝召問狀。燮對曰。涼州天下要衝。國家藩衛。今牧御失和。使一州叛逆。烈爲宰相。不思所以弭之之策。乃欲割棄萬里之土。若使虜得居此地。士勁甲堅。因以爲亂。此社稷之深憂也。帝從之。

夏四月大雨雹。

封宦者張讓等十三人爲列侯。

以討張角功也。

秋七月。蝗。

諫垣賊通而受平賊之爵
賞倒置至此雖有忠直如
楊賜輩其奈之何

罷皇甫嵩遣車騎將軍張溫代之。

嵩之討張角也。過鄴。見趙忠舍宅踰制。奏没入之。又張讓私求錢不與。二人奏嵩無功費多。徵還。收印綬。以溫

討北宮伯玉。拜董卓為破虜將軍。統于溫。嵩既罷。邊章韓遂等大盛。

張溫將兵十餘萬。與之戰。輒不利。十一月。董卓等攻破之。章遂走榆中。溫因使卓討羌。卓糧絕。乃于所度水中。偽立堰。以捕魚。而潛從堰下過軍。比賊追之。決水已深。不得度。遂還屯扶風。溫以詔書召卓。良久。乃至。溫讓之。卓應對不順。係堅前耳語謂溫曰。卓不罪。而鴟張大語。宜陳軍法斬之。溫曰。卓素著威名。殺之。西行無依。堅曰。明公親率王師。威震天下。何賴于卓。卓輕上無禮。一罪也。沮軍疑眾。二罪也。受任無功。應召稽留。三罪也。古之名將。未有不斬。以成功者。今明公不即誅卓。虧損威刑。于是在矣。溫不忍發。榆中。後漢縣。故城在今甘肅蘭州府金縣。

司空臨晉

注見前。

侯楊賜卒。

謚文烈。

賜既免。帝閱故事。得賜與劉陶所上張角奏。乃封賜臨
晉侯。陶中陵鄉侯。至是復以賜爲司空。司空張溫出
討。以賜代。居
位一月卒。

殺諫議大夫劉陶。前司徒陳耽。

陶上疏陳八事。大較言天下大亂。皆由宦官。宦官共譏
陶。收下黃門北寺獄。掠按日急。陶謂使者曰。恨不與伊
呂同疇。而以三仁爲輩。遂閉氣而死。耽爲人忠正。宦官
怨之。亦誣陷死獄中。

造萬金堂。

帝造萬金堂于西園。引司農金錢繒帛。物積堂中。復藏
寄小黃門常侍家。錢各數千萬。又買田起第于河間。明
年。

帝修南宮。玉堂殿。鑄銅人四。鐘四。又鑄天祿蝦蟇。轉水入宮。復作翻車。渴鳥。灑南北郊路。以爲可省百姓灑道之費。天祿。章懷注。獸名。渴鳥。受水之器。如鳥之渴飲也。

丙寅三年春二月。遣使就拜張溫爲太尉。

三公在外。始于溫。是冬。徵溫還京師。

以宦者趙忠爲車騎將軍。

帝使忠論討黃巾之功。忠遣弟延致殷勤于傅燮曰。南

容。

傅燮字。

少答我常侍。萬戶侯不足得也。燮正色拒之曰。

遇不遇。命也。有功不論。時也。傅燮豈求私賞哉。忠愈恨。

然憚其名。不敢害。出爲漢陽太守。

夏五月壬辰晦。日食。

丁卯四年夏四月。韓遂圍隴西。涼州殺刺史以應之。遂圍漢

陽太守傅燮與戰死之。

韓遂殺邊章及北宮伯玉擁兵十餘萬進圍隴西太守

李相如反與遂連和殺涼州刺史耿鄙

初鄙任治中程球通姦利士

民怨之至是鄙率六郡兵討賊行至狄道別駕反應賊殺球及鄙

鄙司馬扶風馬騰

壽字

成援亦擁兵反又漢陽王國自號合衆將軍皆與韓遂

合共推國爲主進圍漢陽城中兵少糧盡太守傅燮固

守

燮字幹年十三言于燮曰國家昏亂遂令大人不容于朝今兵不足以自守宜還鄉里徐俟有道而輔之

言未終燮歎曰汝知吾必死邪聖達節大守節殷紂暴

虐伯夷不食周粟而死吾遭世亂不能養浩然之志食

人之祿又欲避其難乎吾行何之必死于此汝有才智

勉之勉之主簿楊會吾之程嬰也幹字彥林亦知名

王國使人說燮曰天下已非漢有府君寧有意爲吾屬

帥乎燮按劍叱之遂麾左右進兵臨陳戰歿

諡曰壯節

傅燮秉節始終真有疾風勁草之概視爾時矯飾名高者實過之

前太邱長陳寔卒。

寔在鄉閭平心率物。其有爭訟。輒求判正。曉譬曲直。退

無怨者。至乃歎曰。寧爲刑罰所加。不爲陳君所短。

楊賜陳耽

每拜公卿。羣僚畢賀。輒歎寔未登大位。愧于先之。及卒。海內赴弔者三萬餘人。

謚爲文範先生。

EAST ASIAN LIBRARY
UNIVERSITY OF TORONTO LIBRARY

御批歷代通鑑輯覽

卷之二十一

三

御批歷代通鑑輯覽卷之二十六

後漢

孝靈皇帝

戊辰

中平五年春二月有星孛于紫宮

注見前

以劉焉

字君郎江夏竟陵人曾燕王之後

為益州牧劉虞

字伯安東海郯人東海恭王之

後為幽州牧

太常劉焉見王室多故建議以為四方兵寇由刺史威

輕且用非其人宜改置牧伯選清名重臣以居其任朝

廷遂從焉議選列卿尚書為州牧各以本秩居任州任

之重自此始

虞嘗為幽州刺史民夷懷其恩信故用之焉人蜀會賊殺刺史郤儉從事賈龍等破

走之選吏迎焉徙治綿竹務行寬惠以收人心

御批歷代通鑑輯覽

卷之二十一

夏六月大水

凡郡國七

冀州刺史王芬自殺

陳蕃子逸

逸從比景以赦還

與襄楷會于刺史王芬坐楷曰天

文不利宦者黃門常侍真族滅矣逸喜芬曰若然者芬

願驅除因上書言黑山賊攻劫郡縣欲以起兵時帝欲

北巡河間舊宅芬等謀以兵誅諸常侍因廢帝而立合

肥侯

紀傳無系

以告曹操操拒之

操曰夫廢立之事天下之至不祥也古人有權成敗

計輕重而行之者伊霍是也然皆懷至忠之誠據宰輔之執因秉政之重同衆人之欲故能計從事立今諸君

徒見往昔之易未觀當今之難欲望必克不亦危乎會北方夜半有赤氣東西竟

天太史言北方有陰謀不宜北行帝乃止敕芬罷兵俄

而徵之芬懼自殺

王芬謀誅宦官也至謀廢帝是直叛自殺乃自取之無足惜也

秋八月置西園八校尉。

以小黃門蹇

姓也。左傳有秦大夫蹇叔。

碩爲上軍校尉。袁紹鮑鴻曹

操趙融馮芳夏牟淳于瓊等七校尉皆統于碩。帝自黃巾之起畱心戎事碩壯健有武略帝親任之雖大將軍亦領屬焉。

冬十月青徐黃巾復起。

先是黃巾餘賊郭太等寇太原河東至是青徐賊復起攻掠郡縣。

講武平樂觀

在洛陽縣東北。今日平樂保。

望氣者言京師當有大兵兩宮流血帝欲厭之乃發四方兵講武于平樂觀起大壇建華蓋帝躬擐甲介馬稱

無上將軍行陳三匝而還

帝問討虜校尉蓋勳曰吾講武如是何如對曰臣聞先王

耀德不觀兵今寇在遠而設近陳不足昭果毅祇黷武耳帝曰善恨見君晚羣臣初無是言也勳時與袁紹共典禁兵因謂紹曰上甚聰明但蔽于左右耳遂與紹謀共誅嬖佞蹇碩懼出勳為京兆尹

己巳六年春二月將軍皇甫嵩擊涼州賊王國大破之

王國圍陳倉詔復拜嵩左將軍督前將軍董卓各率二

萬人擊之卓欲速赴陳倉嵩不聽

卓謂嵩曰速救則城全不救則城滅嵩曰

不然百戰百勝不如不戰而屈人之兵陳倉雖小城守固備王國雖強攻陳倉不下其眾必疲疲而擊之全勝之道國攻陳倉八十餘日不拔疲敝解去嵩進兵擊之

卓以為不可嵩復不聽

卓曰兵法窮寇勿迫歸眾勿追困獸猶鬪况大眾乎嵩曰不然

前吾不擊避其銳也今而擊之待其衰也所擊疲師非歸眾也國眾且走莫有鬪志以整擊亂非窮寇也遂獨進使卓為後拒連戰大破之國走而死卓大慚恨由

是與嵩有隙。明年。詔卓以兵委嵩。卓不從。嵩兄子鄴在軍。勸嵩誅卓。嵩不聽。上書奏其事。帝讓卓。

卓益恨。怨嵩。

三月。劉虞討漁陽賊張純。斬之餘衆降散。

初。漁陽張純。故中。山相。與同郡張舉。故泰山太守。反。車騎將軍張

騎擊涼州賊。純請將之。溫不許。純恥不得將。會烏桓多叛還。遂與舉及烏桓大人邱力居連盟。攻薊中。殺

校尉太守衆至十餘萬。舉自稱天子。純稱彌天將軍。移

書州郡。告天子避位。公卿奉迎。事在四年。鈔掠青徐幽冀四

州。詔遣騎都尉公孫瓚。字伯珪。遼西令支人。討之。瓚進戰。純等大

敗。棄妻子踰塞走。瓚深入無繼。反為賊所圍。二百餘日乃還。賊亦飢困。遠遁。事在五年。至

是。劉虞到部。遣使至鮮卑中。告以利害。責使送舉。純首

純客王政。斬純首送虞。餘皆降散。帝遣使者卽拜虞太

後漢書
卷之三十六

卷之三十六

尉。虞既平純。乃罷諸屯兵。但畱公孫瓚將萬人屯右北

平。瓚志欲掃滅烏桓。而虞欲以恩信招降。由是有隙。

城在今直隸遵化州豐潤縣。

夏四月丙子朔日食。

帝崩。年三十四。子辯即位。尊皇后曰皇太后。太后臨朝。封弟協

為渤海王。協先封渤海。後徙陳留。范書靈帝紀及通鑑皆同。綱目于此。即書陳留。今依通鑑。仍書渤海。而

以徙封附註于日。

初。帝數失皇子。何后生辯。養于道人史子助家。號曰史

侯。王美人生協。董太后自養之。號曰董侯。羣臣請立太

子。帝以辯輕佻。無威儀。欲立協。猶豫未決。會疾篤。屬協

于蹇碩。碩素忌何進。說帝遣進西擊韓遂。帝從之。進知其謀。奏遣袁紹收兵徐允。既還而西。以稽行期。

丙辰。帝崩。碩時在內。欲先誅何進。而立協。使人迎進。進

往。碩司馬潘隱迎而白之。進驚馳歸營。引兵入屯百郡。

邸。

天下郡國百餘。皆置邸京師。百郡邸者。百郡總為一邸也。

稱疾不入。辨卽位。年十四。

太后臨朝。封協為渤海王。

年九歲。是秋七月。徙封陳畱王。

以袁隗為太傅。與大將軍進參錄尚書事。進收宦者蹇碩誅之。

進忿蹇碩圖已。袁紹因勸進悉誅諸宦官。進以袁氏累

世貴寵。而紹與從弟術皆為豪傑所歸。因信用之。復博

徵智謀之士何顒。

見前。

荀攸。

字公達。爽從孫。

鄭泰。

字公業。河間南開封人。等

二十餘人。與同腹心。碩不自安。與趙忠等謀誅進。中常

侍郭勝。進同郡人。以告進。進使黃門令收碩誅之。因悉

領其屯兵。

後漢書卷之二十一

遷孝仁皇后于河間驃騎將軍董重后兄子自殺后暴崩

董重與何進權勢相害中官挾重爲助董太后每欲參

預政事何太后輒禁塞之董后忿詈曰汝今輒張猶彊梁也

怙汝兄邪吾敕驃騎斷何進頭如反手耳何太后告進

進與三公共奏故事藩后不得畱京師請遷宮本國舉

兵圍驃騎府重自殺董后憂怖暴崩民間繇是不附何

氏

葬文陵在洛陽縣西北

何進懲蹇碩之謀不入陪喪又不送山陵

賀善贊曰靈帝信宦豎殺忠賢時多變異且作畢圭作列肆不知社稷之將覆人有恒言曰桓不立靈又甚于桓也

大水

秋七月大將軍進召車馬將兵詣京師太后詔罷諸宦官八月宦官張讓等入宮殺進劫太后帝出至河上司隸校尉袁紹捕宦者悉誅之帝還宮以卓為司空

袁紹說何進悉誅宦官

紹曰前竇武欲誅內寵而反為所害者但坐言詔漏泄五營兵

士皆畏服中人而竇氏反用之自取禍滅今將軍兄弟並領勁兵將吏皆英俊樂盡力命此天贊之時不可失也進乃白太后請盡罷中常侍以下以三署郎補其處

太后曰中官統領禁省漢家故事也且先帝新棄天下

我奈何楚楚

悽愴苦楚之意

與士人共對事乎進難違太后意

且欲誅其放縱者事久不決

太后母舞陽君及弟車騎將軍苗受宦官賂遺為其

障蔽進又新貴素敬畏中官雖外慕大名而內不能斷

紹等又為畫策召四方猛

召兵之生所不待言其時
諸常言罷且來謝罪則
權其罪之重輕或誅或放
與一獄吏可了之事而董
卓亦兵出無名矣臨事遷
延自貽伊戚庸臣誤國可
勝誅哉

御批歷代通鑑輯覽

卷之三十三

將使引兵向京城以脅太后進然之主簿陳琳諫曰該

物向不可欺以得志况國之大事其可以許立乎將

軍總皇威逞兵要但速發雷霆行權立斷則天人順之

而反委釋利器更徵外助大兵聚會強者為進所謂倒

持干戈授人以柄功必不成祇為亂階耳進不聽曹操

問而笑曰宦者之官古今宜有但世主不當假之權寵

使至于此既治其罪當誅元惡一獄吏足矣何必紛紛

召外兵乎欲盡誅之事必宜露吾陳卓字孔璋廣陵人時董卓駐兵河東進

見其敗也陳卓字孔璋廣陵人時董卓駐兵河東進

召之使將兵詣京師鄭泰盧植皆諫進不從泰乃棄

又使騎都尉鮑信字允誠泰山陽募兵泰山并召東郡

太守橋瑁字元偉太屯成臯使武猛都尉丁原字建陽

刺史將數千人寇河內燒孟津火照城中皆以誅宦官為

言卓聞召即時就道并上書請收讓等以清姦穢太后

猶不從卓至通池而進更狐疑遣使宣詔止之袁紹懼

進變計。因脅之曰：「事久變生，復爲竇氏矣。」進于是以紹爲司隸校尉。王允爲河南尹，紹促卓使馳驛上奏，欲進兵平樂觀。太后乃恐，悉罷中常侍、小黃門，使還里舍，皆詣進謝罪。唯所措置，紹勸進便于此決之。謀頗泄，張讓懇其子婦言于太后。母舞陽君讓子婦，太后之妹也。讓罪當與新婦俱歸私門，願復一入直，得暫奉太后顏色。然後退就溝壑，死不恨矣。子婦爲舞陽君言之。入白太后。太后詔諸常侍皆復入直。八月，進入長樂宮，請太后盡誅諸常侍。張讓、段珪相謂曰：「大將軍稱疾不臨喪，不送葬，今歟入省，此意何爲？」使潛聽，具聞其語，乃率其黨數十人持兵伏省戶下，伺進出，斬之，卽爲詔以樊陵爲司隸，許相爲河南尹。尙書得詔，板疑之，請大將軍

石方月不金重覽
卷之三十一

共出議中黃門以進頭擲與曰何進謀反已伏誅矣進

部曲將吳匡及虎賁中郎將袁術引兵燒南宮青瑣門

門刻為連瑣文而青瑣也讓等將太后少帝及陳留王劫省內官屬

從複道走北宮尚書盧植執戈于閣道窻下仰數段袁

紹矯詔召樊陵許相斬之引兵屯闕下捕得趙忠等斬

之吳匡等怨何苗不與進同心又疑其與宦官通謀乃令軍中日殺大將軍者即車騎也吏士能為報讎乎

皆流涕曰願致死遂攻殺苗紹遂閉北宮門勒兵捕諸宦者無少長

皆殺之凡二千餘人或無鬚而誤死者進攻省內讓

珪等困迫遂將帝與陳留王數十人步出穀門正北門夜

走小平津六璽不自隨公卿無從者唯盧植及河南中

部掾閔貢夜至河上貢厲聲責讓等因手劍斬數人讓

等惶怖叩頭向帝辭曰臣等死陛下自愛遂投河而死

貢扶帝與陳畱王夜逐螢光南行至雒舍地各在北止

明日帝乘一馬陳畱王與貢共乘一馬自雒舍而南公卿稍有至者董卓亦到

因與公卿奉迎于北芒即北邙山在今洛陽縣北阪下

卓與帝語語不可了乃更與陳畱王語問禍亂之由王

答自初至終無所遺失卓大喜以為賢遂有廢立意是

日帝還宮失傳國璽鮑信募兵適至說紹曰董卓將有異志今不早圖必為所制及其新

至疲勞襲之可禽也紹不敢發信乃引兵還泰山卓初入步騎不過三千俄而

進及弟苗部曲皆歸之卓又陰使丁原部曲呂布字奉先

原人殺原而并其眾卓兵于是大盛乃諷朝廷以久雨策

免司空劉弘而代之蔡邕亡命江海積十二年卓聞其名而辟之稱疾不就卓怒詈曰我

行月不遠也

卷之二十一

能族人。邕懼而應命。到署祭酒。甚見敬重。三日之間。周歷三臺。遷為侍中。

九月。袁紹出奔冀州。卓廢帝為弘農王。奉陳留王協即位。
是為獻帝。遂弑太后何氏。

卓謂紹曰。天下之主。宜得賢明。每念靈帝。令人憤毒。董侯似可。今欲立之。能勝史侯否。為當且爾。
猶言且。劉氏

種不足復遺。
卓意欲廢漢自立。紹曰。漢有天下四百餘年。恩澤

深渥。兆民戴之。今上富于春秋。未有不善。宣于天下。公

欲廢嫡立庶。恐眾不從公議也。卓按劍叱紹曰。豎子敢

然。爾謂董卓刀為不利乎。紹勃然曰。天下健者。豈唯董

公。引佩刀橫肘。徑出。逃奔冀州。卓大會百寮。奮首而言。

欲更立陳留王。皆惶恐莫敢對。盧植獨曰。太甲不明。昌

邑多罪。故有廢立之事。今上行無失德。非前事之比也。

卓大怒。免植官。植遂逃隱于上谷。卓以議示袁隗。隗報

如議。卓遂脅太后策廢少帝為弘農王。立陳留王協為

帝。隗解帝璽授。扶下殿。北面稱臣。太后顰涕。羣臣含悲。莫敢言。顰涕。胡三省注。言不敢出聲。而但顰咽流

涕也。卓又議太后與蹇通。謂迫永樂宮。至憂死。逆婦姑

禮。乃遷永安宮。酖殺之。后既弒。公卿不敢布服。及會葬。素衣而已。后諡靈思。合葬文陵。

卓自為太尉。領前將軍事。

加節傳斧鉞虎賁。更封郿漢縣。今屬陝西鳳翔府。侯。

遣使弔祭陳蕃。竇武及諸黨人。復其爵位。

卓與三公上書。追理蕃武及諸黨人。悉復爵位。遣使弔

祠。擢用子孫。

自六月雨。至于是月。

冬十一月。卓自爲相國。贊拜不名。入朝不趨。劍履上殿。

十二月。徵處士申屠蟠。不至。以黃琬字子琰。琬之孫。爲太尉。楊彪

爲司徒。荀爽爲司空。

初。尙書周毖字仲遠。武威人。城門校尉伍瓊字德瑜。汝南人。說董卓矯

桓靈之政。擢用天下名士。以收衆望。卓從之。于是徵荀

爽。申屠蟠等。爽等皆畏卓之暴。無敢不至。爽就拜平原相。行至宛陵。

遷光祿勳。視事三日。進拜司空。自徵至三公。凡九十五日。獨蟠得徵書。人勸之行。笑

而不答。竟以壽終。卓又以韓馥爲冀州牧。劉岱。孔伷。爲

守。韓馥字文節。潁川人。孔伷字公緒。陳畱人。張邈字孟節。潁川人。劉岱字公緒。見前。

以袁紹爲渤海太守。

卓購求袁紹急。周志伍瓊陰爲紹說。卓曰。紹恐懼出犇。非有他志。今急購之。勢必爲變。袁氏樹恩四世。門生故吏徧天下。若收豪傑以聚徒衆。則山東非公之有也。不如赦之。拜一郡守。紹喜于免罪。必無患矣。卓乃拜紹渤海太守。以紹從弟術爲後將軍。曹操爲驍騎校尉。術犇南陽。操變易姓名。間行東歸。至陳留。散家財。合兵得五千人。是時豪傑多欲起兵討卓。袁紹在渤海。韓馥遣數部從事守之。不得動搖。東郡太守橋瑁詐作三公移書州郡。陳卓罪惡。徵兵赴難。馥得移。問諸從事曰。今當助袁氏邪。助董氏邪。治中從事劉子惠中山人曰。興兵爲國。何謂袁董。馥有慙色。乃作書與紹。聽其起兵。

孝獻皇帝

庚午初平元年春正月關東州郡起兵討卓推袁紹為盟主

袁紹以渤海起兵紹從弟後將軍術冀州牧韓馥豫州

刺史孔伷兗州刺史劉岱陳畱太守張邈廣陵太守張

超

遜之弟

河內太守王匡

字公節泰山人

山陽太守袁遺

字伯業紹從弟

東郡太守橋瑁濟北相鮑信同時俱起眾各數萬以討

卓為名紹與王匡屯河內韓馥畱鄴給軍糧袁術屯魯

陽

後漢縣今日魯山屬河南汝州

餘軍咸屯酸棗

注見前

約盟

先是張超以臧洪為

功曹

洪勸超倡義討卓超然其言與洪俱西見張邈及

劉岱

孔伷約謀定議于是諸牧守大會酸棗設壇場將

盟

更相推讓洪攝衣升壇歃血而盟辭氣慷慨問其言者無不激揚臧洪字子源廣陵射陽人

推紹為盟主紹自號車騎將軍領司隸校尉以曹操行奮武

將軍

諸牧守多歸心袁紹鮑信獨謂操曰君略不世出殆天之所啟乎

卓弑弘農王

卓聞東方兵起懼乃酰殺王

葬故中常侍趙忠成贖中諡曰懷

卓奏免太尉琬司徒彪以王允為司徒殺城門校尉伍瓊

尚書周毖

卓議大發兵以討山東尚書鄭泰諫阻之

泰恐卓眾多益橫議曰夫

政在德不在眾也卓不悅曰如卿此言兵為無用邪泰懼乃詭辭更對曰非謂無用以山東不足加大兵耳明公出自西州少為國將閑習軍事袁本初公卿子弟生處京師張孟卓東平長者坐不闕堂孔公緒清談高論噓枯吹生並無軍旅之才臨既而卓又以山東兵盛欲鋒決敵非公之儔也卓乃悅

遷都以避之

卓表朱儁為太僕以為已副儁曰國家西遷必孤天下之望以成山東之釁固辭而止

乃大會公卿議莫敢言者司徒楊彪曰關中殘破都

EAST ASIAN LIBRARY
UNIVERSITY OF TORONTO LIBRARY
130 St. George Street, 5th Floor
Toronto, Canada M5S 1A5

皇甫嵩既不能聽子言誅
卓子違命之時復不從梁
衍迎駕西遷之議乃至迎
拜以下甘受擄進退無
據莫其此者

後漢書卷之二十一

雒已久。今無故捐宗廟。棄園陵。恐百姓驚動。必有糜沸
之亂。天下動之甚易。安之甚難。惟明公慮焉。卓作色曰。
公欲沮國計邪。太尉黃琬曰。此國之大事。楊公之言。得
無可思。卓不答。以災異奏免琬。彪等以王允為司徒。伍
瓊。周毖。固諫遷都。卓大怒曰。卓初入朝。二君勸用善士。
故卓相從。而諸君到官。舉兵相圖。此二君賣卓。卓何用
相負。遂收斬之。時蓋勳為京兆尹。皇甫嵩以左將軍將
兵屯扶風。卓素怨嵩。將西遷。微嵩為城
門校尉。欲因殺之。嵩將行。長史梁衍說嵩曰。卓遷據京
邑。廢立從意。今徵將軍。大則危禍。小則困辱。今及卓在
雒陽。天子來西。以將軍之眾。迎接至尊。奉令討逆。袁氏
逼其東。將軍迫其西。此成禽也。嵩不從。遂就徵勳。以眾
弱不能獨立。亦還京師。卓以為越驍校尉。

三月。卓遷都長安。燒雒陽宮廟。發諸帝陵車駕西遷。

初卓既專政。見維中貴戚第室相望。金帛財產。家家充積。卓縱放兵士。突其廬舍。剽虜資物。妻略婦女人。皆不保朝夕。至是收諸富室。以罪惡誅之。沒入其財物。死者不可勝計。悉驅徙其餘民數百萬口于長安。步騎驅蹙更相蹈藉。積尸盈路。卓自畱屯畢圭苑中。悉燒宮廟官府居家。二百里內。無復雞犬。又使呂布發諸帝陵。及公卿冢墓。收其珍寶。三月。車駕入長安。居京兆府舍。後乃稍葺宮室而居之。時董卓未至。朝政大小。皆委之王允。允外相彌縫。內謀王室。自天子及朝中。皆倚允。允屈意承卓。卓亦雅信焉。卓殺太傅袁隗。滅其家。

卓以袁紹之故。殺太傅袁隗。太僕袁基及其家。口謂

孩也。以上五十餘人。

長沙太守孫堅舉兵討卓。將軍袁術據南陽。表堅領豫州刺史。

初。堅爲長沙太守。討賊區星。平之。封烏程。

漢縣。今爲浙江湖州府治。

侯。及聞州郡兵起。堅亦以長沙舉兵。襲殺荊州刺史王

叡。

叡先與堅討賊。以堅武人。遇之無禮。及堅過荊州。勒兵襲叡。叡窮迫。刮金飲之而死。

比至南陽。

衆已數萬。南陽太守張咨不給軍糧。堅收斬之。前到魯

陽。與袁術合兵。術遂得據南陽。表堅行破虜將軍。領豫

州刺史。

堅遣長史督促軍糧。設祖道城東門外。官屬共會。董卓步騎數萬猝至。堅方行酒談笑。整頓部

曲。無得妄動。後騎漸盛。堅徐罷坐。導引入城。乃曰。向堅所以不卽起者。恐兵相蹈藉。諸君不得入耳。卓兵見其

整。不敢攻而還。

郭良兄弟數語當時所僅聞昭烈偏安之業有與此暗合者表特不能善用之耳然表在荊州雖無弭亂之心而撫輯凋敝藉以稍安或此說有以啟之

以劉表為荊州刺史

是時江南宗賊

章懷注宗黨共為賊

甚盛袁術屯據魯陽餘寇縱

橫

吳人蘇代貝羽阻兵長沙為亂

道路梗塞表單馬入宜城

注見前

請南

郡名士蒯良

字子柔中廬人

蒯越

良弟字異度

與其謀畫

表曰宗賊各擁眾不

附若袁術因之禍必至矣吾欲徵兵恐不能集其策安出良曰眾不附者仁不足也附而不治者義不足也苟

仁義之道行百姓歸之如水之就下何患徵兵之不集乎越曰袁術驕而無謀宗賊帥多貪暴為下所患使人

示之以利必以眾來使君誅其無道撫而用之一州之人襁負而至矣兵集眾附南據江陵北守襄陽荊州八

郡可傳檄而定公路雖至無能為也表曰善入郡荊州刺史部統南陽南郡江夏章陵及江南之零陵桂陽

長沙武陵

乃使越誘宗賊帥至者十五人皆斬之而取

其眾遂徙治襄陽

荊州刺史本治武陵郡漢壽襄陽縣漢屬南郡今為襄陽府治鎮撫

郡縣江南悉平

後漢書卷之二十一

三

曹操與卓兵戰于滎陽。不克。還屯河內。

董卓在雒陽。袁紹等諸軍皆畏其彊。莫敢先進。曹操曰。

舉義兵以誅暴亂。大衆已合。諸君何疑。向使董卓倚王

室。據舊京。東向以臨天下。雖以無道行之。猶足爲患。今

焚燒宮室。劫遷天子。海內震動。不知所歸。此天亡之時

也。一戰而天下定矣。遂引兵西將據成臯。張邈遣將至

滎陽汴水。注見前遇卓將徐榮。元菟與戰。操兵敗爲流

矢所中。所乘馬被創。從弟洪以馬與操曰。天下可無洪。不可無君。遂步從操。夜遁去。榮見

操所將兵少。力戰盡日。謂酸棗未易攻也。亦引還。操到

酸棗。諸軍十餘萬。日置酒高會。不圖進取。操責讓之。因

爲謀畫。操曰。諸君能聽吾計。使渤海引河內之衆。孟津。酸棗諸將守成臯。據敖倉。塞轅轅大谷。全制

其險使袁將軍率南陽之衆軍丹所入武關以震三輔
皆高壘深壁勿與戰益為疑兵示天下望竊為諸君耻之
後漢丹水縣故城在今南陽府內鄉縣析後漢縣故城
亦在內鄉邈等不能用操乃募兵揚州得千餘人還屯河內
頃之酸棗諸軍食盡衆散劉岱遂殺橋瑁時青州刺史
焦和亦起兵
始濟河黃巾已入其境青州財富兵盛和每望寇奔北
賞罰清亂州遂蕭條未幾和病卒袁紹使臧洪領青州
以撫之

司空荀爽卒

爽見卓忍暴滋甚必危社稷其所舉辟皆取才略之士
將共圖之會病卒爽與王允何顥等為內謀爽既卒顥
以他事為卓所繫憂憤而死爽從孫
攸及鄭泰亦共謀刺卓事洩泰
東犇袁術攸被執及卓誅乃免

卓壞五銖錢更鑄小錢

子孫議祖父臣議君此何政耶且當時所當急者不在此也豈汲汲請去上上廟號特媚董卓之爲耳所謂逸才多識適足濟其邪故孔子訓子夏曰毋爲小人儒

省孝和以下廟號。

物貴穀石至數萬錢。

悉取雒陽及長安銅人。

秦始皇所鑄。

鐘虞飛廉。

漢武帝置飛廉館音義曰

飛廉神禽名。

銅馬。

東京置在金馬門外。馬援亦進銅馬。

之屬以鑄之。由是貨賤

左中郎將蔡邕議和安順桓四帝無功德不宜稱宗。

和帝

號穆宗安帝號恭宗順帝號敬宗桓帝號威宗。請皆省去從之。

以公孫度。

字升濟遼東襄平人。從元菟。

爲遼東太守。

度初爲冀州刺史以謠言免中郎將徐榮與度同郡薦

爲遼東太守。度到官以法誅滅郡中名豪大姓百餘家。

郡中震慄乃東伐高句驪西擊烏桓謂所親吏柳

魯展禽食

采柳其後

因以爲氏。毅陽儀等曰漢祚將絕當與諸卿圖王耳。

于是分遼東為遼西中遼郡。安帝分遼東遼西二郡地為遼東屬國度復分之也。

各置太守。越海收東萊諸縣置營州。舜分青州為營州遼東本青州地故

度以為各刺史。自立為遼東侯。平州。取郡治襄平為名地故在今奉天府遼陽州。

立漢二祖廟承制郊祀天地藉田乘鸞輅設旄頭羽騎。

辛未二年春正月關東諸將奉大司馬劉虞為帝。虞不受。

先是虞拜大司馬已加太傅道路壅塞信命竟不得通。

虞在幽州務存寬政勸督農桑開上谷胡市之利通漁陽鹽鐵之饒民悅年登穀石三十青徐士庶避難歸虞者百萬餘口虞收視溫恤皆為安立生業民忘其遷徙焉。至是關東諸將議以朝廷

幼冲逼于董卓關塞遠隔不知存否虞宗室賢雋欲共

立為主。曹操曰吾等舉兵而遠近響應者以義動故也今幼主微弱制于姦臣非有昌邑亡國之釁而

一旦改易天下其孰安之諸君北面我自西向書告袁術術陰有不臣之心不利國家有長君外託公議以拒

唐劉幽州遠近歸向者
甚眾觀其不受帝號持義
節實有過人之量

行狀卷之二十一

之。韓馥袁紹等乃遣故樂浪太守張岐齎議上虞尊號。
虞厲聲叱之曰。今天下崩亂。主上蒙塵。吾受重恩。未能
清雪國恥。諸君各據州郡。宜共戮力王室。而反造逆謀。
以相垢污邪。馥等又請虞領尚書事。承制封拜。復不聽。
欲犇匈奴以自絕。乃止。

二月卓自為太師。

位在諸侯王上。以弟旻為左將軍。兄子璜為中軍校尉。

抱中子。皆封侯。弄以金紫。築塢于郿。高厚皆七丈。積穀

為三十年儲。自云事成。雄據天下。不咸守此。足以壯老。

鳳翔府郿縣北。僭擬車服。號曰竿摩車。言其逼天子也。

召呼三臺尚書以下詣府啟事。公卿拜謁車下。卓不為

承。卓見之。抵手謂曰。義真怖未乎。嵩曰。明公以德輔朝

廷。大慶方至。何怖之有。若淫刑以逞。將天下皆懼。豈獨

嵩平

孫堅進兵擊卓卓敗西走堅入雒陽修塞諸陵而還

孫堅進屯陽人

堅先為卓將徐榮所敗收散卒復進陽人聚名注見前

卓遣步騎

迎戰堅擊破之梟其都督

或謂袁術曰堅若得雒不可復制此為除狼而得虎也術

疑之不運軍糧堅夜馳見術曰所以出身不顧者上為國家討賊下慰將軍家門之私讎而將軍受浸潤之言

還相嫌疑何也術卓遣說堅欲與和親堅曰卓逆天無

道今不夷汝三族縣示四海則吾死不瞑目豈將與乃

和親邪遂進軍大谷

注見前

卓自出與戰敗走卻屯澠池

堅進至雒陽掃除宗廟祠以太牢得傳國璽于甄官井

中

韋昭吳書張讓之亂劫天子走河上掌璽者以璽投井中及堅軍城南甄官署有井每旦有五色氣從井

中出使人浚井得玉璽其文曰受命于天既壽永昌一角缺

分兵邀卓卓謂長史劉

堅之拒卓詞嚴義正至操貴諸將進榮陽未免言大意誇其實別有所圖也故掩敗而堅勝

世以傳國璽為受命之符不知此特嬴秦所造何足為貴在德不在鼎璽更可

知孫堅得重袁術奪之直
興新莽同一自速敗亡而
已

行打歷不交金車
卷之二十一

艾曰關東軍敗數矣皆畏孤無能為也惟孫堅小戇都

反愚頗能用人當語諸將使知忌之乃使諸將分屯諸

縣董越屯澠池段熲屯華陰牛輔屯安邑以禦山東而

自引還長安孫堅修塞諸陵引軍還魯陽

夏六月地震

袁紹逐冀州牧韓馥自領州事

韓馥以豪傑多附袁紹忌之陰節其糧欲使離散紹客

逢蒲汀紀字元圖南陽人紹曰將軍舉大事而仰人資給不

據一州無以自全韓馥庸才可密要公孫瓚使取冀州

馥必駭懼因遣辨士為陳禍福馥迫于倉猝必有遜讓

紹然之以書與瓚瓚果引兵至冀馥與戰不利紹乃使

其外甥高幹

字元才。陳畱人。

及馥所親荀諲

字友若。等說馥

以冀州讓紹

諡謂馥曰。公孫瓚乘勝南來。其鋒不可當。袁車騎引軍東向。其意亦未可量。竊為將

軍危之。馥懼曰。為之奈何。諲曰。夫冀州天下之重資也。若兩雄并力。兵交城下。危亡可立而待。然袁氏將軍之

舊且為同盟。為今之計。莫若舉冀州以讓袁氏。彼必厚德將軍。而瓚亦不能與之爭矣。是將軍有讓賢之名。而

身安于馥性。怵怯。因然其計。馥長史耿武等諫曰。袁紹

泰山也。嬰兒在股掌之上。絕其哺乳。立可餓殺。奈何欲以州與

之。馥曰。吾袁氏故吏。且才不如本初。度德而讓。古人所

貴。諸君又乃避位讓紹。紹遂領冀州牧。承制以馥為奮

武將軍。而無所將御。亦無官屬。

從事沮授勸紹曰。將軍因冀州之眾。收英雄之

才。迎大駕于西京。復宗廟于雒邑。以此號令天下。誅討

未服。其功不難。紹喜。即表授為奮武將軍。使監護諸將。

田豐審配。並以正直。不得志于韓馥。紹以豐為別駕。配

為治中。與許攸逢紀。荀諲。皆為謀主。沮側余反。氏出

黃帝史臣沮誦之後。授廣平人。田豐字元皓。鉅鹿人。審

配字正南。魏郡人。許攸字子遠。南陽人。治中別駕。漢于

定國條州大小奏置秩六百石見文獻通考馥後去紹往依張邈會紹使至與邈耳語馥謂圖已遂自殺

袁紹表曹操爲東郡太守

鮑信謂曹操曰袁紹爲盟主因權專利將自生亂是復有一卓也抑之則力不能制且可規大河之南以待其變操善之會黑山賊十餘萬衆略東郡操引兵擊破之袁紹因表操爲東郡太守初荀淑之孫彧少有才名何顒見而異之曰王佐才也及天下亂彧率宗族北依同郡韓馥或以潁川四戰之地謂父老宜亟避之鄉人多懷土不能去會韓馥遣騎來迎彧遂獨率其族以比至冀州而袁紹已奪馥位紹待彧以上賓之禮彧度紹終不能定大業聞曹操有雄略遂去紹從操操與

操一見荀彧即曰吾子房
是微然以漢高自居彧
之禍豈待議加九錫時耶
或乃矯語君子愛人以德
其誰欺乎

語大悅曰吾子房也以爲奮武司馬明年董卓將李傕等掠潁川或鄉人

留者多爲所殺

卓以張楊

字穉叔雲中人

爲河內太守

初何進遣張楊募兵并州會進敗楊留上黨有衆數千

人遂歸袁紹于河內與南單于屯漳水

注見前

及是南單

于劫楊以叛袁紹引軍屯黎陽

後漢縣故城在今河南衛輝府濬縣

卓因

以楊爲河內守

秋九月蚩尤旗

類彗而後曲象旗熒惑之精也

見于角亢

蒼龍之星

冬十月卓殺衛尉張溫

太史望氣言當有大臣戮死者卓故與張溫有隙

卓討邊章

無功孫堅勸溫殺之溫不能從而卓猶懷恨事已具前

使人誣告溫罪笞殺于市

以應之

卓忍于誅殺。諸將言語蹉跌。便戮于前。稍誅關中舊族。陷以叛逆。免死者千數。人不聊生。道路

且以

公孫瓚攻袁紹。以劉備為平原相。

胡三省曰。劉先主事始此。

涿郡劉備

字元德。

中山靖王勝之後也。少孤貧。與母以販

履為業。

身長七尺五寸。垂手下膝。顧自見其耳。

有大志。少語言。好交結諸

豪俠。嘗與公孫瓚師事同郡盧植。因往依瓚。

初。備以討黃巾功。除

安喜尉。督郵到縣。求謁不通。遂直入縛督郵。杖二百。以綬繫其頸。棄官亡去。後復以功除高唐尉。為賊所破。遂

奔

瓚。是時。關東州郡務相兼并。以自強大。袁術袁紹亦相

離貳。

術遣孫堅擊董卓。未返。紹以周昂為豫州刺史。使襲堅。堅嘆曰。同舉義兵。將救社稷。逆賊垂破。而各

若此。吾當誰與戮力。

公孫瓚連破黃巾。威震河北。

黃巾三十萬眾入渤海界。瓚逆擊于東光南。大破之。賊棄車重。走渡河。瓚因追其半濟。薄之。賊復大破。死者數萬。生獲

上萬餘人。與術相結而怒紹。劉子為侍中。帝思東

威名大震。與術相結而怒紹。紹使和偽逃出武關。詣虞

令將兵來迎。和至南陽。袁術留之。使以書與虞。虞得書

遣騎詣和。瓚止之。虞不聽。瓚恐。術聞而怨已。亦使其弟

越以騎詣術。而陰教術執和奪其兵。術從之。因即遣越

助孫堅擊周昂。越為流矢所中死。瓚怒曰。余弟死。禍由

于。遂出軍屯磐河。即鈞磐河。禹貢九河之一。今山東濟南府陵縣東有磐河店。數紹

罪惡。進兵攻之。冀州諸城多畔從瓚。瓚使劉備與田楷

徇青州。數有戰功。因以為平原相。備少與河東關羽字雲

長。本字長。涿郡張飛。字益德。涿人。相友善。至是以羽飛為別

部司馬。分統部曲。備與二人寢則同牀。恩若兄弟。而稠

險。常山趙雲。字子龍。真定人。先將本部兵屬瓚。雲詣瓚。瓚曰。聞

氏君何獨述而能反乎。雲曰。天下訥訥。未知孰是。民有

河南尹朱儁移書州郡徵兵討卓。

初董卓入關留儁守雒陽。儁潛與山東諸將通謀。東中

中牟移書州郡請師討卓。徐州刺史陶謙字恭祖丹陽人上儁

行車騎將軍遣精兵三千助之。餘州郡亦有所給。明年春卓

遣其將李傕郭汜等將兵拒儁儁逆戰為催汜所破儁自知不敵遂不復前

劉焉使張魯字公祺沛國豐人殺漢中太守斷斜谷。在今陝西漢中府褒城縣

南口曰褒北口曰斜

魯自祖父陵客蜀世奉五斗米道。初靈帝時巴郡張修

與張角同令病家出五斗米號五斗米師聚眾寇掠郡縣時人謂之米賊後角被誅修遂亡去魯因其法而增

飾之考范書靈帝紀中平二年巴郡張修反章懷注引劉艾典略為據陳壽三國志張魯傳魯世奉五斗米

道裴松之補注亦引載典略而較章懷注為尤詳今依裴注附修事于此劉焉在益州陰圖

寧在魏屢徵不仕節操可
觀刻能化導鄉人改惡從
善尚非虛聲標榜者流然
遠盜以布謂堅其為善之
心則未免矯枉沽名或亦
名者之過歟

異計。魯母以鬼道有少容。往來焉家焉。乃以魯為督義
司馬。將兵掩殺漢中太守。斷絕斜谷閣。即連雲殺害漢
使焉。上書託言米賊斷道。不得復通。因誅殺州中豪彊
及太守校尉。作乘輿車具千餘乘。時焉子璋從帝在長
安。帝使喻焉焉留不遣。

管寧。字幼安。字根矩。皆王烈。字彥方。平原人。適遼東。

公孫度威行海外。中國人士避亂者多歸之。管寧。邴原。

王烈皆往依焉。寧少時與華歆為友。嘗共鋤菜。見地有

其優劣。邴原遊學八九年。師友皆一時名士。臨別以原

不飲酒。會米肉送之。原曰。本能飲酒。但以荒思廢業。故

斷之耳。今當遠別。可一飲。于是共飲。寧原俱以操尚稱。

度虛館以候之。寧既見度。乃廬于山谷。避難者漸來從

之旬月而成邑。每見度。語唯經典。不及世事。還山。專講詩書。習俎豆。非學者無見也。由是度安其賢。民化其德。原性剛直。清議以格物。度已下。心不安之。寧謂曰。潛龍以不見成德。言非其時。皆招禍之道也。密遣原西還。度亦不復追。烈器業過人。名聞在原。寧之右。善于教誘鄉里有盜牛者主得之。盜請罪曰。刑戮自甘。乞不使王彥方知也。烈問而使人謝之。遺布一端。或問其故。烈曰。盜懼吾聞其過。是有恥惡之心。既知恥惡。則善心將生。故與布以勸為善也。後有老父遺劍于路。行道一人見而守之。至暮。老父還尋得劍。怪之。以告烈。烈使推求。乃先盜牛者也。諸有爭訟。曲直將質之于烈。或至途而返。或望廬而還。皆相推以直。不度欲以為長史。烈辭之。為商賈以自穢。乃敢使烈聞。建安中曹操辟原為司空掾從征吳卒免。操又厚徵烈遼東不遣烈遂卒于海表

由

三年春正月袁術使孫堅擊劉表表軍射殺之

范書陳志孫堅

戰歿。俱在初平三年。通鑑據張璠漢紀載于二年。考吳錄及英雄記所載互有不同。今仍依范陳正史。

初袁術據南陽。戶口數百萬。而術奢淫肆欲。徵斂無度。

百姓苦之。稍稍離散。既與袁紹有隙。術以豪傑多附紹。怒曰。羣豎不吾從。

而從吾家奴乎。又與公孫瓚書曰。紹非袁氏子。紹聞大怒。紹司空逢孽子。出後伯父成。故術云然。各立

黨。援以相圖。術結公孫瓚。而紹連劉表。術使孫堅擊表。

表遣其將黃祖逆戰。堅擊破之。遂圍襄陽。表夜遣黃祖

潛出發兵。堅逆與戰。祖敗走。堅乘勝夜追。祖步兵射堅

殺之。堅所舉孝廉桓階。詣表請堅喪。表義而許之。還葬曲阿。桓階字伯緒。長沙臨湘人。曲阿漢縣。唐改

曰丹陽。今屬江南鎮江府。

袁紹擊公孫瓚于界橋。在今直隸廣平府威縣北。水經注曰。界城橋。寰宇記曰。袁公橋。大

敗之。

袁紹自出拒公孫瓚戰于界橋南二十里瓚兵三萬其

鋒甚銳紹遣其將麴義

漢尚書令鞠譚子闕避難西平改姓麴氏義本韓馥將叛降紹

領精兵八百先登彊弩千張夾承之瓚輕其兵少縱騎

衝之義兵伏楯下不動未至數十步一時同發謹呼動

地大敗瓚軍斬其將嚴綱追至瓚營拔其牙門

牙旗名軍出建

立牙竿門即周禮軍旅會同置旌門是也

餘眾皆走瓚還薊

夏四月司徒王允使中郎將呂布誅董卓詔允錄尚書事

以布為奮威將軍

司徒王允與司隸校尉黃琬僕射士孫瑞

士孫氏以爵系為氏瑞字

君策扶風人

密謀誅卓中郎將呂布便弓馬膂力過人卓愛

信之誓為父子

卓自知凶恣恐人圖已行止常以布自衛

然卓性剛褊常小

也。觀賊衆羣輩相隨。軍無輜重。唯以鈔畧爲資。不若畜

士衆之力。先爲固守。彼欲戰不得。攻又不能。勢必離散。

然後選精銳。據要害。擊之可破也。岱不從。遂戰。果爲所

殺。曹操部將陳宮。字公臺。東郡人。謂操曰。州今無主。而王命斷

絕。官請說州中綱紀。謂諸從事。明府尋往牧之。資之以收天

下。此霸王之業也。官因往說別駕。治中。鮑信等以爲然。

乃迎操領兗州刺史。時賊衆精悍。操兵寡弱。操撫循激

勵。明設賞罰。乘間設奇。晝夜會戰。戰輒禽獲。賊遂退走。

鮑信戰死。操求其喪。不得。乃刻如信狀。祭而哭焉。注見前。追至濟北。悉降之。詔以

金尚爲兗州刺史。將之部。操逆擊之。尚奔袁術。操得卒三十萬。

收其精銳。號青州兵。

六月李催

北地人

郭汜

張博人

等舉兵犯關殺司徒王允呂布

走出關

誅首惡赦脅從非特自安
亦所以安朝廷也允不審
權變自復驕傲且議赦議
罷毫無斷制以致釀成亂
階無足深惜

初呂布勸王允盡殺董卓部曲允曰此輩無罪不可布
欲以卓財物班賜公卿將校允又不從允素以劍客遇
布布負其功勞多自誇伐既失意望漸不相平允性剛
稜初懼卓故折節下之卓既殲滅自謂無復患難頗驕
傲以是羣下不甚附之允始與士孫瑞議赦卓部曲既
而不果又議悉罷其軍百姓遂訛言當盡誅涼州人于
是卓故將校轉相恐動皆擁兵自守會卓子壻牛輔爲
左右所殺催等無所依遣使詣長安求赦允不許催等
益懼欲各解散校尉賈詡字文和曰諸君若棄軍單行

催汜之變始於賈詡報讐
一言詡雖自爲救命計而
其禍至於不可復收則罪
實浮於催汜

則一亭長能束君矣。不如相率而西，以攻長安。爲董公
報仇，事濟，奉國家以正天下。若其不合，走未晚也。催等
然之，乃率軍數千，晨夜西行，隨道收兵。比至長安，已十
餘萬。與卓故部曲樊稠、李蒙等合，圍長安城。城峻不可
攻，守之八日。呂布軍有叟兵。章懷注：蜀兵也。漢代謂蜀爲叟。內反，引催
衆入城，放兵擄掠。布與戰不勝，將數百騎駐馬青瑣門
外。招允同去。允曰：「朝廷幼少，恃我而已。臨難苟免，吾不
忍也。」努力謝關東諸公，勤以國家爲念。太常种拂。字穎，伯嵩。
之戰死。允扶帝上宣平門。長安城東北門名。避兵。催等于城門
下，伏地叩頭曰：「董卓忠于陛下，而無故爲呂布所殺。臣
等爲卓報仇，非敢爲逆也。請事畢，詣廷尉受罪。圍門樓。」

共表請王允出。問太師何罪。允窮蹙。乃下見之。催等遂

殺司隸黃琬。徵左扶風王宏。

字長文。太原人。

右馮翊宋翼。

宏遣使謂

翼曰。催。汜。以我二人在外。故未危。王公。今日就徵。明日俱族。關東義兵鼎沸。欲誅董卓。今卓已死。其黨羽易制耳。若舉兵共討催等。與山東相應。此轉禍為福之道也。翼不從。宏不能獨立。遂俱就徵。既至。催收

允及宏翼皆殺之。尸王允于市。莫敢收者。故吏平陵令

趙戢。

京兆人。

收而葬之。始允自專討卓之功。士孫瑞歸功

不侯。故得免于難。

催自為車騎將軍。汜後將軍。樊稠右將軍。張濟鎮東將軍。催。汜。稠共秉朝

政。濟出屯弘農。以賈詡為左馮翊。欲俟之。曰。此救命之計。何功之有。固辭不受。呂布自武關奔南陽。袁術待之甚厚。布忿兵鈔略。術患之。布不自安。去從張楊。下河內。催等購求急。又逃歸袁紹。既而復歸張楊。張濟武

威祖厲人。

秋八月遣太傅馬日磾太僕趙岐和解關東。

日磾至洛陽。表別遣岐。宣揚國命。所到郡縣。百姓皆喜。曰。今日乃復見使者車騎。袁紹曹操聞岐至。皆自將兵數百里奉迎。時紹與公孫瓚方爭冀州。瓚遣兵擊紹。至龍湊。為紹所破。紹又與瓚所置青州刺史田楷連戰二年。野無青草。紹以其子譚為青州刺史。楷與戰不勝。龍湊地名。在平原界。岐深陳天子恩德。宜罷兵安人。又與瓚書。為言利害。紹等各引兵去。皆期會雒陽。奉迎車駕。會岐得篤疾。經涉逾年。期者不至。是冬。劉表遣使貢獻。詔以為荊州牧。岐以荊州完富。欲說表身自將兵。其獎王室。乃詣表。以老病遂留荊州。建安中卒。日磾為袁術所留。術借其節視之。因奪不還。求去不遣。嘔血而死。曹操遣使上書。

操辟毛玠

字孝先。平邱人。

為治中從事。玠言于操曰。今天下分

崩。乘輿播蕩。公家無經歲之儲。百姓無安固之志。難以

持久夫兵義者勝守位以財宜奉天子以令不臣修耕
植以畜軍資如此則霸王之業可成也操納其言遣使
張楊假塗西至長安董昭字公仁定陶人乃為操作書與催汜
等致殷勤催汜議留操使黃門侍郎鍾繇字元常潁川人皓曾孫
說曰方今英雄並起各矯命專制唯曹兗州乃心王室
而逆其忠欵非所以副將來之望也催汜從之

徵朱儁為太僕

陶謙與諸守相共奏記推朱儁為太師因移檄牧伯欲
以同討李淮等奉迎天子會李淮用賈詡策徵儁入朝
軍吏皆懼入關欲就謙等儁曰若召臣義不候駕且
催汜小豎變難可乘乃反為
濟事可儁乃辭謙議而就徵復為太僕謙等遂罷

他與皇甫嵩同著威名乃
但就逆賊之徵而儁較嵩
尤陋觀其對諸將方謂庸
兒小豎變難可乘乃反為
功豈大言不欺真甚於此

癸酉四年春正月甲寅朔日食。

袁術進兵封邱。

漢縣。屬河南開封府。

曹操擊破之。術走壽春。

注見前。

自領揚州事。

術為劉表所迫。進兵北向。為曹操所破。走歸。遂所置揚

州刺史陳瑀。

先是揚州刺史陳溫卒。袁紹以袁遺領揚州。袁術擊破之。遺走死。術遂以下邳陳瑀

為刺史。至是術奔九江。瑀拒不納。術合軍攻瑀。瑀走歸下邳。九江後漢郡。治陰陵。故城在今江南鳳陽府定

遠。據壽春領州事。李傕欲結術為援。以為左將軍。

華山崩裂。

秋。曹操擊陶謙。謙走保郟。

先是。陶謙遣使間行奉貢。

治中王朗。別駕趙昱。說謙曰。求諸侯莫如勤王。今天子越

在西京。宜遣使奉承王命。謙從之。朗。字景興。東海人。趙昱。字元達。琅邪人。詔以為徐州牧。

至是曹操以其父嵩為謙別將所殺

嵩初避難取邪操迎之輜重百餘輛

謙別將利其財

乃引兵擊謙攻拔十餘城至彭城大戰

謙兵敗走郟操攻之不能克乃去掠旁邑所過皆屠之

初徐方殷盛穀實差豐京雒流民東出者多歸之及遇操至凡殺男女數十萬口所過城邑雞犬亦盡墟落無

復行人

冬十月地震

十二月復震

有星孛于天市

大司馬劉虞討公孫瓚不克見殺

虞與瓚積不相能

虞遣使奉章陳瓚暴掠之罪瓚亦上虞稟糧不周互相非毀朝廷依違而

已瓚別築小城于薊城南以居虞數請會瓚輒不應虞

恐其中為亂乃率兵十萬討之虞兵無部伍又愛民廬

虞雖為寬厚而軍無部伍其情民廬舍戒無傷餘人皆適足自貽伊戚宋襄建文行用是致亂者然史稱

薊南小城與虞相去

不遠又何至興十萬之師乎記載失實比比然矣

舍不聽焚燒。戒軍士曰：無傷餘人，殺一伯玉而已。攻圍不下，瓚乃簡募銳士數百人，因風縱火，直衝突之。餘衆大潰，瓚執虞，會詔遣使者段訓增虞封邑。瓚誣虞前與袁紹等謀稱尊號，脅訓斬虞及妻子于薊市。虞以恩厚得衆心，北州流舊流他州人流入幽州者舊舊著籍幽州者莫不痛惜。初虞使詣長安而難其人衆咸曰右北平田疇年雖少有奇才虞乃備禮請以爲掾而遣之疇間道至長安致命比還虞已死疇謁墓哭泣而去北歸無終率宗族及他附從者數百人掃地而盟曰君仇不報吾不可以立于世遂入徐無山中營深險平敞地而居躬耕以養父母百姓歸之數年間至五千餘家疇乃爲約束班行于衆衆皆便之至道不拾遺北邊翕然服其威信烏桓鮮卑各遣使致饋遺疇悉撫納令不爲寇田疇字子泰右北平無終人徐無山在今直隸遵化州西

戊甲興平元年春二月追尊母王夫人爲靈懷皇后

劉備救陶謙。謙表備為豫州刺史。

謙告急于田楷。楷與劉備救之。備自有兵數千人。謙益

以丹陽兵四千。備遂去楷歸謙。謙表為豫州刺史。屯小

沛。

卽沛縣。以屬沛郡。故謂之小沛。

曹操軍食亦盡。引還。

夏四月。曹操復攻陶謙。還擊劉備。破之。陳留太守張邈迎

呂布以拒操。操還攻之。

操使荀彧程昱

字仲德。東阿人。

守鄆城。

漢縣。卽春秋衛鄆邑。故城在今山東曹州府濮

州。曹操領兗州時治此。

復往攻陶謙。所過殘滅。還擊破劉備于郟

東。謙恐。欲走歸丹陽。會張邈叛。操迎呂布。操乃引軍還。

初。張邈與袁紹等首舉義兵。及紹為主盟。有驕色。邈正議責紹。紹怒。使操殺之。操不聽。而邈終不自安。陳宮性剛直壯烈。先事操。後亦自疑。乃與邈弟超共謀。說邈迎呂布為兗州牧。是時兗州郡縣皆

應布唯鄆城范

漢縣今屬曹州府

東阿

漢縣故城在今兗州府陽穀縣

八縣宋開寶中

徙屬泰安府

不動降者言宮欲自將取東阿又使汎

符咸反本凡氏

避地于汜水因氏焉

疑取范或謂昱曰今舉州皆叛唯有此三城

宮等以重兵臨之非有以深結其心三城必動君民之

望也宜往撫之昱乃歸過范說其令殺汎疑勸兵固守

昱又遣別騎絕倉亭津

述征記在范縣界去東阿六十里

陳宮至不得

渡昱至東阿東阿令棗祗

棗氏本姓棘避縣收焉祗賴川人

已拒城堅

守卒完三城以待操呂布攻鄆城不能下西屯濮陽操

曰布不能據東平斷亢父

漢縣故城在今兗州府濟寧州

泰山之道乘

險要我而乃屯濮陽吾知其無能為也乃進攻之布出

兵戰操軍敗

布先以騎犯青州兵青州兵奔操隆馬布騎得操而不知釋之

與布相守

餓疲至此。僅恃太倉米豆以糜之。直杯水車薪耳。杖侍御以懲不實。惡得全濟。其語可盡信哉。

百餘日。引還鄆城。

袁紹使人說操。欲使還家居鄆。操新失兗州。將許之。程昱諫乃止。

六月。京師地再震。

乙酉晦。日食。

自四月不雨。至于七月。

穀一斛。直錢五十萬。長安中人相食。帝令侍御史侯汶。

出太倉米豆。爲平人作糜。餓死者如故。帝疑稟賦不實。

取米豆各五升。于御前作糜。得二盆。乃杖汶五十。于是

悉得全濟。

劉焉卒。以其子璋爲益州牧。

天火燒綿竹城。劉焉徙治成都。疽發背。卒。州大吏趙韙。

等貪焉子璋溫仁。共上以爲刺史。詔以爲益州牧。

後隲叛璋。

開成都敗死。
事在建安七年

陶謙卒。劉備兼領徐州。

謙疾篤。謂別駕麋竺

楚大夫封于麋亭。因以為氏。竺字子仲。東海朐人。

曰。非劉

備不能安此州也。謙卒。竺率州人迎備。備曰。袁公路近

在壽春。君可以州與之。典農校尉陳登

字元龍。下邳人。曰。公路

驕豪。非治亂之主。今欲為使君合步騎十萬。上可以匡

主濟民。下可以割地守境。若使君不見聽許。登亦未敢

聽使君也。北海相孔融謂備曰。袁公路豈憂國忘家者

邪。冢中枯骨。何足介意。今日之事。百姓與能。

見易繫辭。言百姓樂

推而不天與不取。悔不可追。備遂領徐州。

袁術表孫策

字伯符。

為懷義校尉。

初孫堅娶錢塘吳氏生四男策權

字仲謀

翊

字叔弼

匡

字季佐

及一女堅從軍于外畱家壽春策年十餘歲已交結知

名舒人周瑜

字公瑾

與策同年亦英達夙成聞策聲問自

舒來造勸策徙居舒推道南大宅與策升堂拜母有無

通共及堅死策還葬渡江居江都結納豪俊有復讐之

志至壽春見袁術術甚奇之以堅餘兵千餘人還策表

拜懷義校尉術先許以策爲九江太守已而更用丹陽

陳紀又使攻廬江太守陸康

初靈帝時廬江賊反詔就家拜康太守悉降之至是

袁術欲攻徐州從康求米康不與故攻之

謂曰前錯用陳紀每恨本意不遂

今若得康廬江真卿有也策攻康拔之術復用其故吏

劉勲爲太守策益失望

乙亥二年春二月李傕殺樊稠攻郭汜劫帝入其營

董卓初死三輔民尚數十萬戶。傕等放兵劫掠加以饑饉。二年之間民相食略盡。李傕郭汜樊稠各相與矜功爭權。傕以稠勇而得衆忌之。請稠會議。便于坐殺稠。由是諸將轉相疑貳。傕汜各治兵相攻。傕遂將兵圍宮。以車三乘迎帝。放兵入掠宮人御物。并取金帛。遂放火燒宮殿。官府居民悉盡。帝使公卿和傕汜。汜留太尉楊彪大司農朱雋等十人爲質。雋憤懣發病死議攻李傕。楊彪曰。羣臣共鬪。一人劫天子。一人質公卿。可乎。汜怒欲手刃之。彪曰。卿尚不奉國家。吾豈求生邪。汜乃止。傕召羌胡數千。以御物繒綵與之。許以宮人。欲令攻汜。汜遂將兵夜

攻催門。矢及帝簾帷中。催復移乘輿幸北塢。使校尉監

塢門。

侍臣皆有飢色。帝求米五斗。牛骨五具。以賜左。帝右。催曰。朝脯上飯。何用米爲。乃以臭牛骨與之。

使謁者僕射皇甫酈和催。酈先詣汜。汜從命。又詣催。

催不肯。曰。郭多。

汜一名多。

盜馬虜耳。何敢欲與吾等。君觀吾

方略士衆。足辦多否。多又刳質公卿。而君苟欲左右之。

邪。酈曰。汜質公卿。而將軍脅主。誰輕重乎。催呵之出。酈

詣省門。白催不奉詔。辭語不順。帝恐催聞之。亟令酈去。

催遂自爲大司馬。位三公右。

夏四月。立貴人伏氏爲皇后。

曹操攻拔定陶。呂布走歸劉備。留張超守雍邱。

操以陶謙已死。遂欲取徐州。還乃定布。荀彧曰。昔高祖

保關中。光武據河內。皆深根固本以制天下。將軍本以
兗州首事。河濟天下要地。是亦將軍之關中河內也。今
舍而東。布必乘虛寇暴。民心益危。是無兗州也。若徐州
不定。將軍當安所歸乎。操乃止。布與陳宮將萬餘人來
戰。操兵皆出收麥。在者不能千人。屯營不固。屯西有大
堤。其南樹木幽深。操引兵堤裏。出半兵堤外。布益進。
乃令輕兵挑戰。既合。伏兵乃悉乘堤。步騎並進。大破之。遂攻拔定陶。分兵平諸
縣。布東奔劉備。邈詣袁術求救。留弟超守雍邱。邈未至
壽春。爲
其下所殺。布見備甚尊敬之。請備于帳中坐。婦牀上。令
婦向拜。酌酒飲食。名備爲弟。備見布語言無常。外然之。
而內不悅。

六月。張濟迎帝東歸。秋七月。發長安。

張濟自陝來和催。汜欲遷乘輿。權幸弘農。帝亦思舊京。

遣使宣諭十反。僊汜乃許。

自僊汜相攻連月死者萬數。會僊將楊奉謀殺僊。事泄叛。

去。僊眾稍衰。帝又遣賈詡召羌胡大帥。許以封賞。令各引去。僊由此單弱。七月。車駕東出。夜

到霸陵。從者皆飢。張濟賦給有差。僊出屯池陽。汜欲令

帝幸高陵。公卿及濟以爲宜。幸弘農。汜不從。帝遂終日

不食。汜聞之曰。可且幸近縣。八月。幸新豐。汜復謀脅帝。

還都郾。侍中种輯知之。密告楊定。

卓故部曲。僊以爲安西將軍。董承

靈帝母董太后之姪。先爲牛輔將。

楊奉。故白波賊帥。後爲卓將。白波賊者。黃巾餘黨。起西河白波谷。因

以爲號。

令會新豐。汜自知謀泄。乃棄軍入南山。

注見前。

冬十二月。張濟與僊合。追帝至陝。帝渡河。入李樂營。

帝東至華陰。

將軍段熲具服御。及公卿已下資儲欲上幸其營。楊定與熲有隙。誣熲欲反。遂攻其

營。十餘日不下。熲供給御膳。稟瞻百官。無有二意。詔和解之。

李僊郭汜悔遣天子。復

相與和。欲共劫帝而西。楊定爲汜所遮。亡走荊州。張濟

與董承。楊奉。不相平。乃反合催。汜。共追乘輿。至弘農東

澗。承。奉。與戰。軍敗。百官士卒死者不可勝數。射聲校尉

墜馬。催謂左右曰。尚可活否。僞罵之曰。汝等因逆。逼劫天子。亂臣賊子。未有如此者。催使殺之。帝露次

曹陽。墟名。在今河南陝州西。承。奉。乃譖催等與連和。而

密遣間使至河東。招故白波。注見前。帥李樂。韓暹。胡才。及

南匈奴右賢王去卑。並率其衆數千騎來。與承。奉。共擊

催等。大破之。車駕發東。催等復來戰。奉等大敗。死者甚

于東澗。李樂曰。事急矣。陛下宜御馬。上曰。不可。舍百官而去。此何辜哉。兵相連綴四十

里。至陝。乃結營自守。虎賁羽林不滿百人。承。奉。等議夜

潛過河。使李樂先渡具船。舉火爲應。上與公卿步出營。

皇后兄伏德扶后臨河。河岸高十餘丈。以絹縋而下。餘

皆匍匐岸側。或從上自投。死亡傷殘。不復相知。帝乃御

船。同濟者。皇后宋貴人。后父完。及楊彪以下。纔數十人。

到大陽。

漢縣。注見前。

幸李樂營。河內太守張楊使數千人負

米貢餉。帝御牛車。幸安邑。

羣帥競求拜職。刻印不給。至乃以錐畫之。乘輿居棘籬中。

門戶無關閉。帝又遣太僕韓融與催汜等連和催。乃放遣公卿百官。歸所掠宮人。已而糧盡。宮人皆食菜果。

張楊來朝。謀以乘輿還雒陽。諸將不聽。楊復還野王。沮

授說袁紹曰。將軍累葉台輔。世濟忠義。今州城粗定。兵

彊士附。西迎大駕。卽宮鄴都。挾天子而令諸侯。畜士馬

以討不庭。誰能禦之。若不早定。必有先之者矣。紹不從。

孫策擊劉繇。

字子布。吳郡富春人。岱之弟。

于曲阿破走之。

先是劉繇奉詔為揚州刺史時袁術已據壽春刺史所治丹

陽太守吳景孫策舅都尉孫贇字伯陽迎繇至曲阿既而

繇以景賁本袁術所用乃迫逐使去景賁退保歷陽繇

遣將屯橫江浦名在和州東南對江南之采石為津渡處以拒之景賁連攻

不克至是孫策說術乞助景等平定江東策說術曰家有舊恩在東

願助舅討橫江橫江拔因投本土召募可得三萬兵以

佐明使君定天下術知其恨而以劉繇在曲阿王朗在

會稽謂策未必能定遂許之術表策為折衝校尉將兵千餘人騎數

十匹比至歷陽眾五六十策先奉母徙曲阿依吳景已徙歷陽及是又徙母于阜陵

周瑜將兵迎之助以資糧進攻橫江拔之渡江轉鬪所

向皆破百姓聞孫郎至皆失魂魄雞犬菜茹一無所犯

民乃大悅競以牛酒勞軍遂攻劉繇于曲阿繇使太史慈偵軍卒

遇策于神亭。慈便前鬪。策擊得慈手戟。慈亦得策兜鍪。會兩家兵騎來赴。遂解散。太史慈字子義。東萊人。神

亭。在今江南鎮江府金壇縣西北。

繇兵敗走。策入曲阿。勞賜將士。發恩

布令。告諭諸縣。樂從軍者。一身行。復除門戶。不樂者。不

強。旬日之間。四面雲集。得見賢遍反。兵二萬餘人。威震江

東。術表策為殄寇將軍。策以張紘字子綱。廣陵人。為正議校尉。

張昭字子布。彭城人。為長史。常令一人居守。一人從征討。待昭

以師友之禮。文武之事。一以委之。繇奔丹徒。將走會稽。許劭曰。不

如豫章。北連豫壤。西接荊州。孟德景升必相救濟。繇從其言。遂泝江南。保豫章。有竿

先從陶謙為下邳相。謙敗。融走廣陵。殺太守趙昱。依故

彭城相薛禮于秣陵。復殺禮。至豫章。又詐殺太守朱皓。繇擊破之。融走死。

雍邱潰。張超自殺。袁紹圍東郡。執太守臧洪殺之。

以守東郡事跡極類唐張
巡其答陳琳云云義正而
詞嚴慷慨有烈士風採能
死不失節可謂言行相顧
之士矣

張超在雍邱。曹操圍之急。超曰。唯臧洪當來救吾衆。曰。

袁曹方睦。洪爲袁所表用。必不敗。好以招禍。超曰。子源

天下義士終不肯本。但恐見制強力。不相及耳。洪時爲

東郡太守

洪先領青州紹以其能徙東郡治東武陽

徒跣號泣從紹請兵將

赴其難。紹不與。請自率所領以行。亦不許。雍邱遂潰。超

自殺。操夷其三族。洪由是怨紹。絕不與通。紹興兵圍之。

紹令洪邑人陳琳以書喻之。洪復書曰。僕蒙主人傾蓋。遂竊大州。自謂究竟大事。共尊王室。豈悟郡

紹令洪邑人陳琳以書喻之。洪復書曰。僕蒙主人傾蓋。遂竊大州。自謂究竟大事。共尊王室。豈悟郡

夏請師見拒。使洪故君遂至淪滅區區微節無所
斯所以忍悲揮戈收淚告絕者也。行矣孔璋。足下

夏請師見拒。使洪故君遂至淪滅區區微節無所
斯所以忍悲揮戈收淚告絕者也。行矣孔璋。足下

于境外。臧洪投命于君親。吾子托身于盟主。臧洪
于長安。子謂余身死而名滅。僕亦笑子生而無聞。

于境外。臧洪投命于君親。吾子托身于盟主。臧洪
于長安。子謂余身死而名滅。僕亦笑子生而無聞。

如洪無降意。增兵急攻。城中糧穀已盡。初尚掘鼠煮筋角。後無可復食者。主

如洪無降意。增兵急攻。城中糧穀已盡。初尚掘鼠煮筋角。後無可復食者。主

內屋米三升。請爲饘粥。洪歎曰。何能獨甘此也。使藥。偏班士衆。又殺其愛妾。以食將士。將士咸流涕。

內屋米三升。請爲饘粥。洪歎曰。何能獨甘此也。使藥。偏班士衆。又殺其愛妾。以食將士。將士咸流涕。

無能而視者。男女七八千。城陷。生執洪。紹謂洪曰。今日

服木。洪據地瞋目曰。諸袁事漢。四世五公。可謂受恩。今

王三衰弱。無扶翼之意。欲因際會。希冀非望。多殺忠良。

以立姦威。洪惜力劣。不能推刃。為天下報讐。何謂服乎。

紹知洪終不為已用。乃殺之。洪邑人陳容。少親慕洪。時

為天下除暴。而先誅忠義。豈合天意。紹慚。使人牽出。容

口。寧與賊洪同日死。不與將軍同日生也。遂復見殺。在

坐無不歎息。竊相謂曰。如何一日殺二烈士。

劉虞故吏鮮于

箕子封朝鮮。其支子食輔。迎虞子和。擊公

孫瓚破之。

公孫瓚盡有幽州之地。遂益驕矜。記過忘善。多所賊害。

劉虞從事漁陽鮮于輔等。率州兵欲報瓚。以燕國閭柔

素有恩信。共推為烏桓司馬。招誘胡漢。得數萬人。與瓚

所置漁陽太守鄒丹戰。斬之。烏桓峭王烏桓大之稱感虞恩

德。亦率種人。隨輔南迎虞子和。和先為袁術所執。逃還北。袁紹復留之。與

袁紹將麴義合兵十萬。共攻瓚。瓚兵數敗。還易漢縣。故城在今

直隸保定府雄縣京固守。前此有童謠曰。燕南垂。趙北際。中央

以為易地。當之。遂徙鎮焉。及為輔等所敗。慮有非常。為

塹十重。築京高十丈。為樓其上。以鐵為門。專與姬妾居。

疎遠賓客。希復攻戰。或問其故。瓚曰。昔謂天下事可指

揮而定。今日視之。非我所決。不如休兵。力田畜穀。兵法

百樓不攻。今吾樓櫓十重。積穀三百萬斛。食盡此穀。足以待天下之事矣。

丙子建安元年秋七月。帝還雒陽。

張楊使董承先詣雒陽修宮。時諸將更相疑貳。帝遣使至營宣諭。乃從詔。楊

奉韓暹奉帝東還。胡才。李樂。留河東。才為怨家所害。樂病死。楊以糧迎道路。

七月至雒陽。幸故中常侍趙忠宅。八月幸南宮楊安殿。

張楊以爲己功。故名其殿曰楊安。楊曰。天子當與天下共之。朝廷自有

公卿。楊當出扞外難。遂還野王。楊後爲其將楊醜所殺。楊奉亦出

屯梁。

漢縣。故城在今河南汝州。

韓暹董承並留宿衛。時宮室燒盡。百

官披荆棘。依牆壁間。州郡各擁彊兵。委輸不至。羣僚饑

乏。尚書郎以下自出採稻。

音呂。野穀。不因播種而生者。

或饑死牆壁

或爲兵士所殺。

曹操入朝。自爲司隸校尉。錄尚書事。

曹操在許。謀迎天子。衆以爲山東未定。韓暹楊奉未可

卒制。荀彧曰。今鑾駕旋軫。東京榛蕪。誠因此時。奉主上

以從人望。大順也。秉至公以服天下。大畧也。扶宏義以

致英俊大德也。四方雖有逆節，其何能為？操乃遣曹洪

字子廉。操從弟。將兵西迎天子。董承等拒之。洪不得進。會韓暹

矜功專恣，承潛召操。操乃以兵詣雒陽。既至，奏韓暹、張

楊之罪。暹懼誅，單騎奔楊奉。帝以暹、楊有翼駕功，詔勿問。以操領

司隸校尉、錄尚書事。操殺尚書馮碩等，封董承、輔國將軍。伏完等十三人為列侯，贈沮、儁

弘農太守。

曹操遷帝于許，自為大將軍，封武平。後漢縣，故城在今河南歸德府鹿邑縣。

侯。

操引董昭問計。昭曰：「諸將人殊意異，今留匡弼，事執不

便。唯有移駕幸許耳。」操曰：「此孤本志也。」乃奉車駕東遷。

行至輓轅，楊奉、韓暹欲要遮乘，與不及。操擊之，奉、暹南奔袁術。遂都許，立宗廟，社稷，自

是政歸曹氏。天子守位而已。

孫策取會稽。太守王朗降。

策引兵渡浙江。會稽功曹虞翻

字仲翔。餘姚人。

勸太守王朗避

之。朗不從。發兵拒戰。敗績。浮海至東冶。

注見前。

策追擊大

破之。朗乃降。

策以朗儒雅。詰讓而不害。後曹操徵朗。叅司空軍事。

策自領會稽太

守。復命翻為功曹。待以交友之禮。

策好遊獵。翻諫曰。明府喜輕出微行。夫白

龍魚服。困于豫且。願少留意。策曰。君言是也。然不能改。白龍魚服。昔白龍下清冷之淵。化為魚。漁者豫且射

中其目。見劉向說苑。

以袁紹為太尉。曹操自為司空。

詔書下紹。責以地廣兵多。而專自樹黨。不聞勤王之師。但擅相討伐。紹上書陳懇。乃以紹為太尉。紹恥班在操

下辭不受。操懼，請以大將軍讓紹，而自爲司空、行車騎將軍事。

曹操以荀彧爲侍中、尚書令，荀攸爲軍師，郭嘉

字奉孝，潁川陽翟人。

爲祭酒。

操以荀彧爲侍中，守尚書令，問以策謀之士。彧薦其從子攸，及郭嘉。操徵攸與語，大悅，曰：「公達非常人也。吾得與之計事，天下當何憂哉？」以爲軍師。嘉初見袁紹，紹甚敬禮之，居數十日，嘉訝其多端，寡要好謀，無決，遂去之。操召見，與論天下事，喜曰：「使孤成大業者，必此人也。」嘉出，亦喜曰：「真吾主也。」操表嘉爲司空，祭酒，以孔融爲將作大匠。

北海太守孔融志在靖難而才疎意廣訖無成功時袁

曹公孫首尾相連融孤立不與通袁紹子譚爲青州刺

史攻融自春及夏戰士所餘纔數百人流矢交集而融

猶隱几讀書談笑自若城陷乃奔東山胡三省注都昌縣之東山也

昌故城在今山東青州府臨朐縣操與融有舊徵爲將作大匠融在北

高密鄭康成爲特立一鄉曰鄭公鄉會黃巾人郡界康

成避地徐州數年乃還公車徵爲大司農以病乞歸卒

于家康成所著經書凡百餘萬言通人頗譏其煩然絕傳洽熟稱爲大儒齊魯問宗之

募民屯田許下州郡並置田官

中平以來民棄農業諸軍並起率乏糧穀飢則寇掠飽

則棄餘瓦解流離無敵自破者不可勝數袁紹在河北

檣袁術在江淮取給蒲羸民多相食州里蕭條羽林監棗祗請建置屯田操從

之以祇爲屯田都尉以任峻

字伯達中牟人

爲典農中郎將募

民屯田許下得穀百萬斛于是州郡例置田官所在倉

廩皆滿故操征伐四方無運糧之勞遂能兼并羣雄軍

國之饒起于祇而成于峻

呂布攻劉備備走歸許詔以爲豫州牧遣東屯沛

先是袁術攻劉備以爭徐州備使張飛守下邳自將拒

術于盱眙

注見前

術與布書令襲下邳許助以軍糧布引

兵東下飛敗走備與術戰又敗請降于布布亦忿術軍

糧不至乃復與備合并執攻術至是術畏布爲已害乃

爲子求婚布許之術遣將紀靈等攻劉備備求救于布

布馳往赴之靈等聞布至皆斂兵而止

布屯沛城西南請靈等靈等亦

請布。布往就之。與備共飲食。布謂靈等曰。元德。布弟也。為諸君所困。故來救之。布性不喜合鬪。喜解鬪耳。乃令軍候植戟于營門。布彎弓顧曰。諸君觀布射戟小支。中者當各解兵。不中可留決鬪。布即一發。正中戟支。靈等皆驚。言將軍天威也。明日復歡會。然後罷兵。備合兵得萬餘人。布惡之。自出兵攻備。備敗走歸曹操。操厚遇之。以為豫州牧。或謂操曰。備有英雄之志。今不早圖。後必為患。操以問郭嘉。嘉曰。公起義兵。為天下除暴。推誠仗信。以招俊傑。猶懼其未也。今備有英雄名。以窮歸已而害之。則智士將自疑。回心擇主。公誰與定天下乎。操笑曰。君得之矣。遂益其兵。使圖布。初。備在豫州。舉袁渙為茂才。至是。渙為布所留。布使作書辱罵備。渙不可。布以兵脅之。渙顏色不變。笑而應曰。渙聞唯德可以辱人。不聞以罵。且渙他日事劉將軍。猶今日之事將軍也。如一旦去此。復罵將軍。可乎。布慚而止。袁渙字曜卿。扶樂人。司徒渙之子。

所處何時而以處觀雅樂
爲事清流名士之禍人於
斯極矣

劉表立學校作雅樂

劉表愛民養士。從容自保。境內無事。學士歸之者以千

數。表乃起立學校。講明經術。命故雅樂郎杜夔字公夏河南人

作雅樂。表欲庭觀之。夔曰。將軍號不爲天子。合樂而庭

作之。無乃不可乎。表乃止。孔融薦之曹操。衡辱罵操。操

怒曰。衡豎子。殺之猶鼠雀耳。顧此人素有才名。遠近將

謂孤不能容。乃送劉表。衡稱表之美盈口。而好譏貶其

左右。左右譖之。表怒。以江夏太守黃祖性急。送衡
與之。後衡衆辱祖。祖殺之。衡字正平。平原般人。
丑丁二年春正月。曹操擊張繡降之。繡叛襲操。殺其子昂。

繡。張濟族子也。先是。濟在關中。士卒飢餓。至南陽寇畧。

爲流矢所中死。繡領其衆屯宛。與劉表合。初。帝出長安

賈詡往依段
熲。已而歸繡。說繡使附劉表。繡從之。詡往見表。還曰。至
表。平世三公才也。不見事變。多疑無決。無能爲也。
至

是曹操擊繡。繡舉衆降。操納張濟妻。繡恨之。襲擊操軍。

殺操長子昂。操中流矢敗走。繡還保穰。明年操復擊繡。圍穰。會袁紹將

田豐勸紹襲許奉迎天子。紹不從而亡卒。有以豐謀白

操者。操遂解穰圍而還。繡率衆追之。賈詡曰。不可追也。

必敗。繡不聽。敗還。詡曰。促更追之。必勝。繡從之。果以勝

歸。繡問其故。詡曰。公雖善用兵。非曹公敵也。曹公軍新

退。必自斷後。故云必敗。曹公力未盡而一朝引退。必國

內有故也。已破將軍。必輕軍速進。諸將雖勇。非將軍敵

故。雖用敗兵而

必勝也。繡乃服。

以鍾繇爲司隸校尉。督關中諸軍。

初董卓召馬騰韓遂以圖山東。至會卓死。李傕皆以爲

將軍。遣遂還留騰屯郿。事在初平三年。諫議大夫种劭。字申甫。

左中郎將劉範。子焉之。等謀誅傕。使騰襲長安。戰敗。劭等

皆死。騰走還涼州。在興平元年。至是曹操將有事山東。而以

關右爲憂。

操曰。荀彧。郭嘉言。將東取呂布。又恐袁紹侵擾關中。或曰。關中將帥。唯馬騰。韓遂。最彊。若

撫以恩德。雖不能久安。比公平定山東。足以不動。侍中鍾繇有智謀。可屬以西事。

乃表鍾繇以

侍中守司隸校尉。持節督關中諸軍。繇至長安。移書騰。遂等。爲陳禍福。騰。遂各遣子入侍。

袁術稱帝。殺故兗州刺史金尚。

術以識言代漢者當塗高。自云名字應之。

章懷注。當塗高者。魏也。術

自以術及路皆

是塗。故云應之。遂有僭逆之謀。聞孫堅得傳國璽。拘堅

妻而得之。議稱尊號。孫策聞之。與術書曰。湯武雖有聖

德。假使時無失道。無由逼而取也。今主上非有惡于天

下。徒以幼小脅于彊臣。異于湯武之時。且董卓貪淫驕

陵。志無紀極。至于廢主自興。亦猶未也。而天下同心疾

之。况效尤而甚焉者乎。術始料策必與已合。及得其書。

愁沮發疾。策遂絕之。至是。僭號于壽春。自稱仲家。置百

官。郊祀天地。沛相陳珪。

字漢瑜。登之父。

少與術遊。術以書召珪。

又刳質其子。期必致珪。珪答書曰。足下陰謀不軌。以身

試禍。欲吾營私阿附。有死不能也。術欲以金尚爲太尉。

尚先爲曹操所擊。奔術。事見前。

尚不許而逃去。術殺之。

夏五月。以呂布爲左將軍。布擊袁術兵破之。

袁術遣使以檄帝告呂布。因求迎婦。布遣女隨之。陳珪

恐徐揚合從。爲難未已。往說布曰。曹公奉迎天子。輔贊

國政。將軍宜與協謀。共存大計。今與術結婚。必受不義

之名。將有累卵之危矣。布亦素怨術。女已在塗。乃追還

絕婚械送其使。梟首許市珪。欲使子登詣曹操。布固不肯。會詔以布爲左將軍。操復遺布手書。深加慰納。布大喜。卽遣登奉章謝恩。并答操書。登見操。因陳布勇而無謀。輕于去就。宜早圖之。操卽增珪秩中二千石。拜登廣陵太守。令陰合部衆。以爲內應。始布因登求徐州牧。不得。登還。布怒。拔戟研几。曰。卿父勸我協同曹操。絕婚公路。今吾所求無獲。而卿父子顯重。但爲卿所賣耳。登不爲動容。徐對之曰。登見曹公言。養將軍。譬如養虎。當飽其肉。不飽。則將噬人。公曰。不如卿言。譬如養鷹。飢卽爲用。飽則颺去。其言如此。布意乃解。術遣其大將張勲等與韓暹。楊奉。步騎數萬。七道攻布。布懼不敵。珪曰。暹奉與術。卒合之師。謀無素定。不能相維。子登策之。比于連雞。勢不俱棲。立可離也。布乃用珪策。與暹奉書。使與已并力擊術。且許破術。悉以軍

資與之。遲奉大喜。卽從布進軍。去勲營百步。遲奉兵同時叫呼。勲等散走。布追擊。大破之。殺傷墮水死者殆盡。

韓暹。楊奉。縱暴徐揚間。是年。劉備誘奉斬之。遲奔還并州。道爲人所殺。

袁術遣盜殺陳王寵。

敬王羨曾孫。

自黃巾賊起。郡國皆棄城走。唯陳王寵有勇善射。治兵

自守。國人不敢離叛。故陳獨得完。國相駱俊。

字孝遠。烏桓人。素

有威恩。鄰郡人多歸之。有衆十餘萬。袁術求糧。俊拒絕。

之。術遣客詐殺俊。及寵。陳由是破敗。

時王侯無復租祿。或并日而食。轉死。

溝壑者甚衆。夫人姬妾多爲寇盜所虜云。

秋九月。下故太尉楊彪獄。尋赦出之。

故太尉楊彪與袁術婚姻。曹操惡之。奏收下獄。劾以大

逆。孔融往見操曰。楊公四世清德。海內所瞻。父子兄弟。

罪不相及。況以袁氏歸罪楊公乎。操曰。此國家之意。融

曰。假使成王殺召公。周公可得言不知邪。操使許令滿

寵。風俗通。荆蠻有瞞氏。音舛。後改。字伯寧。山陽昌邑人。按彪獄。融與荀彧皆

屬寵。勿考掠。寵考訊如法。數日求見操曰。楊彪考訊無

他辭語。此人有名海內。若罪不明白。必大失民望。竊為

明公惜之。操即赦彪。彪見漢室衰微。政在曹氏。遂稱脚。攣積十餘年不行。由是得免于禍。

戊寅三年夏四月。詔將軍段熲等討李傕。夷三族。

先是。郭汜為其將伍習所殺。至是。熲等誅傕。傳首于許。

詔高縣之。封熲闔鄉侯。漢縣。今屬河南陝州。熲後徵為大鴻臚。病卒。

秋九月。呂布復攻劉備。曹操擊布。殺之。

呂布復與袁術通遣其將高順等攻劉備破沛城虜備

妻子備單身走曹操使夏侯惇

字元讓譙人

救備為順所敗

順所將七百餘兵每戰必克名陷陳營

操乃自擊布與備遇于梁廣陵太

守陳登率郡兵為操先驅進至下邳布屢戰皆敗還保

城不敢出

布欲使陳宮高順守城自將騎斷操糧道布妻謂曰宮順素不和將軍一出宮順必不同

心共守城如有蹉跌妾豈得復為將軍妻哉布乃止

遣人求救于袁術術不能救

嚴兵為布作聲援操圍下邳久疲敝欲還荀攸郭嘉曰

呂布勇而無謀今屢戰皆北銳氣衰矣陳宮有智而遲

今及布氣之未復宮謀之未定急攻之布可拔也乃引

沂泗

水名注俱見前

灌城月餘布益困迫布將魏續等共執陳

宮高順

初布性決易所為無常高順每諫布不能從後遂疎順奪其兵以與魏續至是續執順等以叛

布率其眾降。布登白門樓。水經注：下邳城南門名白門。兵圍之急，布

令左右取其首詣操。左右不忍，乃下降。布見操曰：「明公

之所患，不過于布。今已服矣。若令布將騎，明公將步，天

下不足定也。」顧謂劉備曰：「元德卿為座上客，我為降虜，

繩縛我急，獨不可一言邪？」操笑曰：「縛虎不得不急。」乃命

緩布縛。劉備曰：「不可。」明公不見呂布事，丁建陽、董太師

乎？操領之。布曰：「備曰：大耳兒最叵信。」于是縊殺布及陳

宮、高順，皆傳首送許。然後葬之。操將殺陳宮，謂曰：「奈卿

治天下者，不害人之親。施仁政于天下者，不絕人之祀。老母妻子存否？在明公不在宮也。」遂出就刑。操為之流

涕。厚撫其家。初，泰山屯帥臧霸等皆附于布。及布敗，霸

等及布將張遼皆率其眾降。操割青、徐二州近海者委

霸等以遼為中郎將。劉備從操還許，操表為左將軍、禮

之愈重。陳登加伏波將軍。臧霸字宣高，泰山華陰人。張

遼字文遠。
雁門人。

以孫策爲討逆將軍。封吳侯。

孫策遣張紘獻方物。操欲撫納之。表策爲討逆將軍。封

吳侯。以紘爲侍御史。袁術以周瑜爲居巢注見前。長。魯肅

字子敬。爲東城胡三省注。前漢縣。屬廬江。後漢省。當是袁術復置。長。瑜肅知術

終無所成。皆棄官渡江從策。策自將討祖郎丹陽宗帥。于陵

陽。注見前。禽之。卽破械署門下賊曹。又討太史慈。劉繇亡走慈進

住涇縣。大爲山越所附。于勇里。胡三省注。禽之。卽署門下督。策謂慈曰。

寧識神亭時邪。若卿爾時得我云何。慈曰。未可量也。策

大笑曰。今日之事。當與卿共之。孤是卿知己。勿憂不如

也。軍還。郎慈俱在前導。軍人以爲榮。先是。劉繇攻破笮

融。朝廷以華歆爲豫章太守。及是。繇卒。餘衆未有所附。

策命慈往撫安之。且觀華歆牧御方規何如。慈還謂策曰。華子魚。良德也。然無他方規。自守而已。策遂有兼井之志。

己卯四年春三月。袁紹擊公孫瓚。瓚自焚死。

袁紹連年攻公孫瓚。不能克。欲與瓚釋憾。連和。瓚不答。而增修守備。至是。黑山帥救瓚。未至。瓚密使人齎書。使起火爲應。瓚自內出戰。紹侯得其書。如期舉火。瓚遂出戰。紹設伏擊之。瓚大敗。復還自守。紹爲地道穿其樓下。燒之。樓輒傾倒。稍至京中。卽所築高京。瓚悉縊其姊妹妻子。然後引火自焚。其將田楷戰死。

袁紹承制以烏桓蹋頓爲單于。

蹋頓邱力居從子有武畧邱力居死

子樓班年少蹋頓代立

總攝

諸部紹攻公孫瓚蹋頓以諸部助之瓚滅紹皆賜以單

于印綬又以閭柔得烏桓心因加寵慰以安北邊

其後諸部

奉樓班為單于以蹋頓為王然蹋頓猶秉計策

夏六月袁術北走詔劉備將兵邀之術還走死

術既稱帝淫侈滋甚媵御數百無不兼羅紈厭粱肉而

士卒凍餒莫之簡恤既為呂布所破

事見前

又為曹操所

敗

二年操東征術術棄軍走留其將橋蕤等拒操操擊斬之術走渡淮由是遂衰

資食空盡不

能自立乃燒宮室奔其部曲陳簡復為所拒士卒散走

憂懣不知所為乃遣使歸帝號于紹

具言祿去漢室袁氏當興紹陰然之

袁譚自青州迎術欲從下邳北過曹操遣劉備邀之復

走壽春。至江亭。坐簀牀而歎曰。袁術乃至是乎。因憤慨。

嘔血死。妻子奔皖城。故廣陵太守徐璆得傳國璽獻之。

秋八月。曹操進軍黎陽。

注見前。

還許。分兵守官渡。城名。在今河南開封。

府中牟縣東北。亦曰中牟臺。

袁紹既克公孫瓚。心益驕。貢御稀簡。簡精兵十萬。騎萬

匹。欲以攻許。沮授諫曰。曹操奉天子以令天下。今舉師

南向。于義則違。且廟勝之策。不在彊弱。操法令既行。士

卒精練。非公孫瓚坐而受攻者也。竊爲公懼之。紹不從。

許下諸將聞紹將攻許。皆懼。操曰。吾知紹之爲人。志大

而智小。色厲而膽薄。忌克而少威。兵多而分畫不明。將

驕而政令不一。土地雖廣。糧食雖豐。適足以爲吾奉也。

孔融謂荀彧曰。紹地廣兵彊。田豐許攸。智士也。為之謀。審配。逢紀。忠臣也。任其事。顏良。文醜。勇將也。統其兵。殆難克乎。彧曰。紹兵雖多。而法不整。田豐剛而犯上。許攸貪而不治。審配專而無謀。逢紀果而自用。此數人者。執不相容。必生內變。顏良。文醜。一夫之勇耳。可一戰而禽也。八月。操進軍黎陽。使臧霸等入青州。于禁字文則。泰山鉅平人。屯河上。九月。操還許。分兵守官渡。

冬十一月。張繡降。

袁紹遣人招繡。并與賈詡書結好。詡于繡坐上。顯謂紹使曰。歸謝袁本初。兄弟不能相容。而能容天下國士乎。

繡驚懼曰。何至于此。詡因勸繡歸曹操。繡從之。操以繡為揚武將軍。詡為執金吾。

復置鹽官。徙司隸校尉治弘農。

關中諸將以袁曹方爭皆中立顧望

涼州牧韋端使從事楊阜詣許阜還

諸將問袁曹勝負阜曰袁公寬而不斷好謀而少決不

斷則無威少決則後事今雖彊終不成大業曹公有雄

才大畧決機無疑法一而兵精能用度外之人所任各

盡其力必能濟大事者也

楊阜字義山天水冀人

操使侍御史衛覲

字伯儒河東安邑人

往鎮撫之時四方大有還

民諸將多引為部曲覲書與荀彧

書曰關中膏腴之地頃遭荒亂人民流入

荆川者十萬家今歸者無以自業諸將各競招懷以為

部曲一旦變動必有後憂夫鹽國之大寶也亂來放散

宜如舊置使者監賣以其直益市犂牛若有歸民以供

給之勤耕積粟以豐殖關中遠民聞之必日夜競還又

使司隸校尉留治關中以為之主則諸

將日削官民日盛此彊本弱敵之利也

之始遣謁者僕射監鹽官司隸校尉治弘農關中由是

服從

孫策襲廬江取之徇豫章太守華歆降

廬江太守劉勲新得袁術部曲孫策惡其兵彊勸勲攻

取上繚

今江西南康府建昌縣有上繚營相傳漢昌邑王所置

宗帥勲既行策與

周瑜輕軍襲拔廬江悉降其衆勲北歸許策遂西破黃

祖盛兵將徇豫章謂虞翻曰華子魚自有名字然非吾

敵也若不開門讓城不得無所傷害卿便在前具宣孤

意翻往見歆曰孫討逆智畧超世用兵如神君今守孤

城資糧不足不早爲計悔無及也大軍已次椒邱

地名在南

昌府

城北明日日中迎檄不至與君絕矣歆乃夜作檄明旦

遣使齎迎策便進軍歆葛巾迎降策向歆拜禮爲上賓

策之人皖城也撫視袁術妻子及入豫章收載劉繇喪

善遇其家士大夫以是稱之郡治故城在今江

南安慶府潛山縣

華歆王朗雖同一隍城虧節然猶力盡而略歆則葛巾迎謁名士厚誦孰甚於是

劉備起兵徐州討曹操

初董承稱受帝衣帶中密詔與劉備謀誅曹操操從容謂備曰今天下英雄唯使君與操耳本初之徒不足數也備方食失匕箸值雷震備因曰聖人云迅雷風烈必變良有以也遂與承及种輯等同謀會操遣備邀袁術備遂殺徐州刺史留關羽守下邳行太守事身還小沛郡縣多叛操爲備備衆數萬人遣使與袁紹連兵操遣劉岱等擊備不克備謂曰使汝百人來無如我何曹公自來未可知耳

（The following text is extremely faint and largely illegible due to fading and bleed-through from the reverse side of the page. It appears to be organized into vertical columns within a rectangular frame, typical of traditional Chinese printed books. The text likely contains historical or philosophical commentary, as suggested by the headers.)

